# 「佛教時空哲學」課程大綱

課程名稱:佛教時空哲學 Buddhist Philosophy of Time and Space

授課教師:蔡耀明

學分數:3學分

授課年度:一〇五學年度第一學期

上課時間:星期五 (13:20-16:20)

教室:哲學系三樓研討室一

Office hours: 星期二 (1:20-3:10), 星期五 (11:20-12:10), @台大水源校區哲學系館515 (台北市思

源街18號。)

電子信箱:tsaiyt@ntu.edu.tw

網站: http://ccms.ntu.edu.tw/~tsaiyt/

### 【課程概述】

本課程將探討佛教時空哲學的幾個重大的論題,包括時空概念的形成與認定、時空分別的實在性、以及時空之超越。課程的單元主題,總括陳列如下:佛教世界觀、佛教眾生觀、佛教視角/世界邊/無始無終/非過去、非未來、非現在(不墮三界,非三世攝)/遍一切時空/過去際、未來際、現在際/無際空/時空之平等/時空之真如·法界/《中論·觀時品》/What is Time?/Could the Universe Have No Beginning or End in Time?/A-, B-, and R-Theories of Time/ The Buddhist Conception of Time and Temporality/ Modern Cosmology and Buddhism/ Emptiness and Quantum Theory/ Time and Impermanence in Middle Way Buddhism and Modern Physics/ Beginnings and Endings/ Questions of Time.

### 【課程目標】

本課程的目標,在於對佛教時空哲學之課題,建立以典籍和學術論文做為依據的思辨與認識,並且奠定從事佛教哲學或形上學專門研究的基礎。以條列的方式,透過本課程的歷練,學員可預期達到如下四項成果:(1)對佛教時空哲學的研究領域、課題、方法、和內容,形成一定水準的認識;(2)對學界在佛教時空哲學的研究書目與研究成果有一定水準的認識;(3)憑藉學養,得以入乎佛教時空哲學之課題的眼光、思辨、和觀點,並且出乎其外;(4)初步建立以第一手和第二手資料來從事佛教時空哲學之課題的研究的能力,強化獨特的哲學思考,並且提昇學習報告的寫作水平。

#### 【課程要求】

本課程定位為研究所層級的專題討論課,並非大學部一般的導論或通論課。學員必須預先研讀本課程大綱所列的主要的課程材料,在課堂上積極參與討論,以及按時完成學期作業。每一進度單元所列的「延伸的參考材料」,多少皆具參考價值;若是碩士班研究生,並不硬性規定必讀;若是博士班研究生,則要求藉此量力或盡力拓展課程修讀的廣度、深度、和層級。

### 【參考書目】

詳如「課程進度」所列。更多的參考材料,於課堂隨時補充。

**【評量方式】**: 平時上課 70%、期末作業 30%。

## 【課程進度】

第1週2016/09/16 [單元主題]:中秋節彈性放假

第 2 週 2016/09/23 〔單元主題〕: 〔佛教世界觀〕、〔佛教眾生觀〕、〔佛教視角〕 《大般若波羅蜜多經·第八會》, 唐·玄奘譯, T. 220 (8), vol. 7, p. 975c.

時,龍吉祥聞是語已,因即復問妙吉祥言:「尊者從何生死解脫?」

妙吉祥曰:「仁謂『如來從何生死而得解脫?』十力世尊常說『<u>過去、未來、現</u> 在,為生死法。』」

[延伸的參考材料]

- \*《大方廣佛華嚴經·世界成就品第四》,唐·實叉難陀(Śikṣānanda)譯,T. 279, vol. 10, pp. 34b-39a. 参閱:《大方廣佛華嚴經·盧舍那佛品第二》,東晉·佛馱跋陀羅(Buddhabhadra)譯,T. 278, vol. 9, pp. 409a-412a; Thomas Cleary (tr.), "Book 4: The Formation of the Worlds," *The Flower Ornament*
- \* 蔡耀明,〈一法界的世界觀、住地考察、包容說:以《不增不減經》為依據的共生同成理念〉, 《臺大佛學研究》第17期(2009年6月),頁1-48.

Scripture: A Translation of the Avatamsaka Sutra, vol. 2, Boston: Shambhala, 1986, pp. 182-201.

- \* 蔡耀明,〈佛教住地學說在心身安頓的學理基礎〉,《正觀》第54期(2010年9月),頁5-48.
- \* 蔡耀明,〈以心身安頓為著眼對「住地」的哲學檢視:做為佛教住地學說的奠基工程〉,《法鼓佛學學報》第9期(2011年12月),頁1-52.
- \* 蔡耀明,〈以《雜阿含經》為依據探討「解開而認知世人」與「出離而超脫人世」在條理的一貫〉,《東海哲學研究集刊》第 17 輯(2012 年 7 月), 頁 3-33.
- \* 蔡耀明,〈禪修為著眼的眾生觀:以《華嚴經·十定品》為依據〉,《華嚴學報》第3期(2012年9月),頁31-67.
- \* 蔡耀明,〈《般若經》的般若波羅蜜多教學的有情觀與有情轉化〉,《正觀》第 64 期(2013 年 3 月), 頁 5-29.
- \* 蔡耀明,〈佛法教學所示範的動物關懷與動物救度:既入世又出世的動物倫理〉,收錄於《宗教的入世精神:2015 宗教生命關懷國際學術研討會論文集》,正修科技大學宗教生命關懷學術研討會編輯委員會主編,(高雄:正修科技大學通識教育中心,2016年1月),頁353-373.

### 第 3 週 2016/09/30 [ 單元主題 ] : [ 世界邊 ]、[ 無始無終 ]

#### 〔世界邊〕

《雜阿含經·第 234 經》,劉宋·求那跋陀羅(Guṇabhadra)譯,T. 99, vol. 2, pp. 56c-57a. 参閱:Bhikkhu Bodhi (tr.), "SN 35.116," *The Connected Discourses of the Buddha*, Boston: Wisdom, 2000, pp. 1188-1190.

如是我聞:一時,佛住舍衛國.祇樹.給孤獨園。

爾時,世尊告諸比丘:「我不說‧有人行到世界邊者,我亦不說‧不行到世界邊

而究竟苦邊者。」如是說已,入室坐禪。

時,眾多比丘,世尊去後,即共議言:「世尊·向者·略說法言:『我不說·有人行到世界邊者,我亦不說·不行到世界邊而得究竟苦邊者。』如是說已,入室坐禪。我等·今·於世尊略說法中,未解其義;是中,諸尊·誰有堪能·於世尊略說法中,廣為我等,說其義者?」

復作是言:「唯有尊者阿難,聰慧總持,而常給侍世尊左右,世尊讚歎·多聞、 梵行,堪為我等·於世尊略說法中,廣說其義。今·當往詣尊者阿難所,請求令 說。」

時,眾多比丘,往詣尊者阿難所,共相問訊已,於一面坐。具以上事,廣問阿難。爾時,阿難告諸比丘:「諦聽,善思,今當為說。若<u>世間、世間名</u>、世間覺、世間言辭、世間語說,此等皆入<u>世間數</u>。諸尊!謂<u>眼</u>,是<u>世間、世間名</u>、世間覺、世間言辭、世間語說,是等悉入<u>世間數</u>。耳、鼻、舌、身、意,亦復如是。多聞聖弟子,於六入處集、滅、味、患、離,如實知,是名<u>聖弟子到世界邊</u>,知世間,世間所重,度世間。」

## 爾時,尊者阿難復說偈言:

「非是遊步者·能到世界邊;不到世界邊,不能免眾苦。

是故,牟尼尊,名.知世間者,能到世界邊,諸梵行已立。

世界邊,唯有·正智·能諦了;覺慧·達世間,故說·度彼岸。

如是,諸尊!向者,世尊略說法已,入室坐禪。我今為汝,分別廣說。」尊者阿難說是法已,眾多比丘聞其所說,歡喜奉行。

《雜阿含經·第 1307 經》,劉宋·求那跋陀羅(Guṇabhadra)譯,T. 99, vol. 2, p. 359a-b. 參閱:《別譯雜阿含經·第 306 經》,T. 99, vol. 2, p. 477b-c; Bhikkhu Bodhi (tr.), "SN 2.26," *The Connected Discourses of the Buddha*, Boston: Wisdom, 2000, pp. 157-158. 《增壹阿含經·馬血天子問八政品第四十三·第 1 經》,T. 125, vol. 2, p. 756a-c; Bhikkhu Bodhi (tr.), "AN 4.45," *The Numerical Discourses of the Buddha: A Translation of the Aṅguttara Nikāya*, Boston: Wisdom, 2012, p. 434-436.

如是我聞:一時,佛住舍衛國・祇樹・給孤獨園。

時,有赤馬天子,容色絕妙,於後夜時,來詣佛所,稽首佛足,退坐一面。其身 光明,遍照祇樹,給孤獨園。

時,彼赤馬天子白佛言:「世尊!頗有能行<u>過,世界邊</u>,至<u>不生、不老、不死處</u>不?」

佛告赤馬:「無有能過・世界邊,至不生、不老、不死處者。」

赤馬天子白佛言:「奇哉,世尊!善說斯義。如世尊說言:『無·過·世界邊,至不生、不老、不死處者。』所以者何?世尊!我自憶宿命,名曰赤馬,作外道仙

人,得神通,離諸愛欲。我.時,作是念:『我有如是捷疾神足,如健士夫,以利箭橫射.過.多羅樹影之頃,能登一須彌,至一須彌,足躡東海,越至西海。』我.時,作是念:『我今成就如是捷疾神力,今日寧可<u>求.世界邊</u>。』作是念已,即便發行,唯除食息、便利,減節睡眠,常行百歲,<u>於彼命終,竟不能得過世界邊</u>,至不生、不老、不死之處。」

佛告赤馬:「我今但以一尋之身,說於世界、世界集、世界滅、世界滅道跡。赤馬天子!何等為世間?謂·五受陰。何等為五?色受陰、受受陰、想受陰、行受陰、識受陰,是名世間。何等為色[世間]集?謂·當來有·愛,貪、喜·俱,彼彼·染著,是名世間集。云何為世間滅?若彼當來有愛、貪喜俱、彼彼染著·無餘斷、捨、離、盡、無欲、滅、息、沒,是名世間滅。何等為世間滅道跡?謂·八聖道——正見、正志、正語、正業、正命、正方便、正念、正定——是名世間滅道跡。

「赤馬!<u>了知</u>世間,<u>斷</u>世間;了知世間集,斷世間集;了知世間滅,<u>證</u>世間滅; 了知世間滅道跡,<u>修</u>彼滅道跡。赤馬!若比丘於<u>世間苦</u>·若知、若斷,<u>世間集</u>· 若知、若斷,<u>世間滅</u>·若知、若證,<u>世間滅道跡</u>·若知、若修;赤馬!是名<u>·得</u> 世界邊,度世間愛。」

爾時,世尊重說偈言:

「未曾・<u>遠遊行・而得世界邊</u>;無得・世界邊,終不・盡<u>苦邊</u>。 以是故,<u>牟尼</u>・能<u>知世界邊</u>,善<u>解世界邊</u>,諸梵行已立。 於彼<u>世界邊</u>,平等覺知者,是名<u>賢聖行</u>,<u>度・世間彼岸</u>。」 是時,赤馬天子聞佛所說,歡喜、隨喜,稽首佛足,即沒不現。

《大方廣佛華嚴經·初發心菩薩功德品第十三》,東晉·佛馱跋陀羅(Buddhabhadra) 譯, T. 278, vol. 9, pp. 449c-451a.

爾時,天帝釋,白法慧菩薩言:「佛子!初發心菩薩,為成就幾功德藏?」 法慧答言:「佛子!是處,甚深、難知、難信、難解、難說、難通、難分別。雖然,我當承佛神力,具足演說。佛子!假使有人,供養東方·阿僧祇世界眾生·一切樂具,乃至一劫,然後教令淨修五戒,南、西、北方,四維,上、下,亦復如是。佛子!於意云何,彼人功德,寧為多不?」

帝釋言:「佛子!除諸如來,其餘一切,不能稱量彼人功德。」

法慧菩薩,語帝釋言:「佛子!初發心菩薩·功德之藏·百分,彼人功德,不及其一,千分、百千分、億分、百億分、千億分、百千億分、百·那由他分、千·那由他分、6·那由他分、百億·那由他分、千億·那由他分、百千億·那由他分,乃至不可數·不可譬諭·不可說分,彼人功德,不及其

佛子!復置此論。假使有人,供養十方·各十阿僧祗世界眾生·一切樂具,乃至百劫,然後教令淨修十善。教十善已,又復供養一切樂具,乃至千劫,然後教令淨修四禪。教四禪已,又復供養一切樂具,至百千劫,然後教行四無量心。又復供養一切樂具,乃至億劫,然後教行四無色定。又復供養一切樂具,至百億劫,然後教令得須陀洹果。又復供養一切樂具,至千億劫,然後教令得斯陀含果。又復供養一切樂具,至百千億劫,然後教令得阿那含果。又復供養一切樂具,至億·那由他劫,然後教令得阿羅漢果。又復供養一切樂具,至<u>千億·那由他劫</u>,然後教令盡成緣覺。佛子!於意云何,彼人功德,寧為多不?」

帝釋白言:「佛子!彼人功德,唯除諸佛,其餘一切,悉不能知。」

法慧言:「佛子!初發心菩薩·功德之藏,百分、千分、乃至不可數·不可譬諭·不可說分,彼人功德,不及其一。何以故?佛子!一切諸佛·<u>初發心</u>時,<u>不為</u>供養十方·各十阿僧祇世界眾生·一切樂具,百劫、乃至千億·那由他劫故,出興於世;亦<u>不為</u>教·爾所眾生,淨修五戒、十善、四禪、四無量心、四無色定、須陀洹果、斯陀含果、阿那含果、阿羅漢果、辟支佛道故,出興於世;<u>欲</u>不斷佛種故,發菩提心;<u>欲</u>悉知一切世界故,發菩提心;<u>欲</u>悉度脫一切眾生故,發菩提心;<u>欲</u>悉知一切世界成壞故,發菩提心;<u>欲</u>悉知一切世界中眾生·垢淨·起故,發菩提心;<u>欲</u>悉知一切世界自性清淨故,發菩提心;<u>欲</u>悉知一切群生虛妄煩惱習氣故,發菩提心;<u>欲</u>悉知一切眾生死此生彼故,發菩提心;<u>欲</u>悉知一切眾生諸根方便故,發菩提心;<u>欲</u>悉知一切眾生心心所念故,發菩提心;<u>欲</u>悉知一切眾生

佛子!復置此論。假使有人,於一念頃,能過東方·無量世界。彼人,以此自在神力,從此東行,盡無量、無數·阿僧祇劫,猶不能得·世界邊際。又,第二人,神力自在,於一念頃,能過前人·無量、無數、阿僧祇劫·所行世界。此第二人,從此東行,盡無量、無邊。阿僧祇劫,猶不能得·世界邊際。又,第三人,神力自在,於一念頃,能過前人·無量、無數、阿僧祇劫·所行世界。又,第四人,神力自在,於一念頃,能過前人·無量、無數、阿僧祇劫·所行世界。又,第五人,神力自在,於一念頃,能過前人·無量、無數、阿僧祇劫·所行世界。又,第六人,神力自在,於一念頃,能過前人·無量、無數、阿僧祇劫·所行世界。又,第七人,神力自在,於一念頃,能過前人·無量、無數、阿僧祇劫·所行世界。又,第八人,神力自在,於一念頃,能過前人·無量、無數、阿僧祇劫·所行世界。又,第九人,神力自在,於一念頃,能過前人·無量、無數、阿僧祇劫·所行世界。又第十人,神力自在,於一念頃,能過前人·無量、無數、阿僧祇劫·所行世界。又第十人,神力自在,於一念頃,能過前人·無量、無數、阿僧祇劫·所行世界。世界邊際。十方世界,亦復如是。如是展轉,乃至百人。其人,以此最勝自在神力,於無量、無數、阿僧祇劫・所至十方,尚可了知得其邊際;初發

心菩薩·功德之藏,不可得知。何以故?初發心菩薩,不齊限·為·爾所世界眾生故,發菩提心;<u>悉為</u>·十方一切世界眾生故;<u>欲</u>度一切眾生故,<u>欲</u>分別知一切世界故,發菩提心;<u>欲</u>知微細世界即是大世界,知大世界即是微細世界;知少世界即是多世界,知多世界即是少世界;知廣世界即是狹世界,知狹世界即是廣世界;知一世界即是無量無邊世界,知無量無邊世界即是一世界;知<u>無量無邊世界</u>入一世界,知一世界入無量無邊世界;知穢世界即是淨世界,知淨世界即是穢世界;於一毛孔中,悉分別知一切世界,於一切世界中,悉分別知一毛孔性;知一世界出生一切世界,知一切世界猶如虚空,欲於一念·知一切世界,悉無有餘故,發阿耨多羅三藐三菩提心。

佛子!復置此論。……何以故?初發心菩薩摩訶薩,<u>不為齊限</u>·知爾所世界劫數成敗故,發菩提心。菩薩摩訶薩,<u>欲悉了知一切世界劫數成敗</u>故,發菩提心;<u>欲</u>知長劫即是短劫,短劫即是長劫;知<u>一劫</u>即是<u>不可數阿僧祇劫</u>,<u>不可數阿僧祇劫</u>即是<u>一劫</u>;知一切有佛劫;知一切無佛劫;知一佛劫中,有無量佛,知無量佛劫中,有一佛;知異劫中,有無異劫,知無異劫中,有異劫;知<u>有盡劫</u>·是<u>無盡劫</u>,知無盡劫·是<u>有盡劫</u>;知無量劫即是一念,知一念即是無量劫;知一切劫入無劫,知無劫入一切劫;欲悉了知過去、未來際、及現在一切世界劫數成敗故,發阿耨多羅三藐三菩提心。是名・菩薩・初・大誓莊嚴,所謂:悉知一切劫智慧照明。

《集一切福德三昧經》,姚秦·鳩摩羅什(Kumārajīva)譯,T. 382, vol. 12, pp. 991c-992a.

「復次,那羅延!汝意云何,東方虛空,為<u>普遍</u>不?南、西、北方,四維、上、下,所有虛空,為普遍不?」

那羅延言:「世尊!東方<u>虚空</u>,尚<u>不得邊</u>,何況十方·不可說·無量·無邊·隨 有世界·虚空,普遍?」

佛言:「那羅延!假令有人,乃至百千萬億劫中,引諸喻說,<u>欲盡虛空·得其邊際,不得其邊</u>。那羅延!我今引<u>喻</u>,以明斯義,為欲成滿是<u>集一切福德三昧</u>故,亦令增益·諸有修集福德眾生·增長志欲,令向大乘菩薩摩訶薩·滿大精進。 那羅延!若以芥子,盛滿三千大千世界,乃至非想非非想處·滿中芥子,假令有人,持·過·東方·百千恒河沙等·世界,下一芥子,如是東行,盡是芥子,<u>猶不能得世界邊際</u>;南、西、北方,四維、上、下,亦復如是。那羅延!若復恒河沙等世界·滿中芥子,那羅延!頗有人天·能數如是一切芥子·知其數不?」時,那羅延白言:「世尊!若四天下一切眾生·成就智慧·如舍利弗,於一劫數,猶尚不能數其一分,況能數盡大芥子聚?」

那羅延!假令有人,過於·東方·恒河沙世界,著一芥子,如是東行,盡是芥子, 猶故不得世界邊際;南、西、北方,四維、上、下,亦復如是。那羅延!如是世 界·虚空,普遍,設有人天,以滿中七寶,持用布施,那羅延!於意云何,是福德聚,寧為多不?」

那羅延言:「無量。世尊!無邊。世尊!」

佛言:「那羅延!是人所有福德之聚,欲比初發道心菩薩,成就志欲,無幻、無偽,勤修精進,為脫一切眾生,起大慈大悲·所集德聚,是施德聚,百分不及一,乃至算、數、譬喻·所不能及。那羅延!十方一切所有諸物·虚空,皆悉問遍,那羅延!菩薩慈心亦復如是,遍滿十方諸佛世界,所有眾生,皆悉普遍。」

## [無始無終]

《佛說廣博嚴淨不退轉輪經》,宋·智嚴譯,T. 268, vol. 9, p. 261a-b.

復次,阿難!云何,如來說,菩薩摩訶薩名為堅法?阿難!當知,菩薩摩訶薩, 於佛正法·終不退轉,受持佛法·為他宣說·終不毀犯,於不可思議·真如、法 界·應當逮得。如是等法,堅心受持,而無怯弱。能觀諸法真實之相,不生染著 故,而於此法,無所受持,於法非法,亦不生著,應如是持。樂求諸法;求已能 受,受已能持,持已能說;歡喜、調柔,易可共住;常樂宣說寂靜之法,不動法 界·能逮諸法真實之相;於諸法中,善得調伏,亦不毀損常住妙身,如此之身。 常住・故妙。應知・此身・無始無終,無聚無散,應如是知。如・佛世尊,為諸 菩薩分別解說,於此法中·亦應逮得。見一切法清淨無垢,善解諸法無可著處; 諸法性虛不可得見;以不見故,無所受持。宣說法界無相、無性,無有言說,亦 無所有,無有思想,遠離思想,心不可得,其性寂靜,離諸音聲,無有言說,非 境界法;常樂受持、宣說是法,而於是法,心無所依。以如是等無所有法,種種 差別,為菩薩摩訶薩說,而於此法,不作合散,無種種相。如其所說,皆已逮得; 已得此法,名為性地。性地菩薩摩訶薩,乃至‧於少法中‧不生來去想,已能受 持不來去法,而於此法,不生增減,亦無聚散。若能受持不增不減、不聚不散, 如是等法,是名堅法。菩薩摩訶薩於諸法性,得無所得;以於此法性.無所得故, 是菩薩摩訶薩・名為堅法。

《大寶積經·無邊莊嚴會第二·出離陀羅尼品第二》, 唐·菩提流志 (Bodhiruci) 譯, T. 310 (2), vol. 11, pp. 32c-33a.

無邊莊嚴!此‧勝出離陀羅尼句,若有菩薩,於此法中,精勤修習,則能增長智慧如海,能以大慈‧慰喻眾生,言:「我授汝廣大法藥,破滅汝等無明黑闇,拔除汝等‧無始無終‧生死煩惱‧憂苦毒箭,亦令汝等‧愛縛‧當解,超度一切生死瀑流。」作大法光,使諸眾生善根生長,能得究竟永拔濟故。如是善人,為‧善導首,能令入於一切智智,亦復不令有一眾生從此無上大智退失。能以大慈‧普遍一切,令諸眾生‧於未聽受‧與義相應‧寂滅‧厭離‧無生智門,得無礙辯。無邊莊嚴!若諸菩薩欲說法時,云何於此陀羅尼句,繫念現前,令法不斷?謂‧

諸菩薩,處師子座,以無礙辯,思惟.如來無量功德。由於方便廣大智慧,令善巧地.極清淨故。若諸眾生,於聽法所,來雲集時,當於彼所,發生大悲,於諸眾生,起大慈心,以廣大智.決定理趣,如實開示,令不增減。知諸眾生意樂差別,以善分明.決定語業及文字句,廣為宣說。由是說故,能令自身善根增長,以清淨法.攝受眾生。如來能以無量譬喻,開示演說如是法聚.陀羅尼門。汝等若能如是宣說無上正法,是則住於佛所作事,速疾圓滿四無所畏。

《大方等大集經·虛空藏菩薩品第八》,北涼·曇無讖(Dharma-rakṣa)譯, T. 397, vol. 13, pp. 97c-98a.

善男子!若菩薩成就八法,能淨毘梨耶波羅蜜。何等為八?善男子!菩薩為淨身故,發勤精進;知<u>身·如影</u>,不著於身。為淨口故,發勤精進;知<u>口語·如響</u>,不著於口。為淨意故,發勤精進;知<u>意·如幻</u>·無所分別,不著於意。為具足諸波羅蜜故,發勤精進;知<u>諸法·無自性</u>,因緣所攝,不可戲論。為得助菩提分法故,發勤精進;覺了一切法真實性故,無所礙著。為淨一切佛土故,發勤精進;知諸國土·如虚空故,不恃所淨。為得一切陀羅尼故,發勤精進;知一切法·無念、無非念故,不作二相。為成就一切佛法故,發勤精進;知諸法·入<u>一相</u>、平 <u>等</u>故,而不壞法性。善男子!是為菩薩成就八法,能淨毘梨耶波羅蜜。

善男子!喻·如虚空·無有疲倦;菩薩於無量劫,發勤精進,無有疲厭,亦復如是。喻·如虚空·悉能容受一切諸色,然此虚空·無有覆障;菩薩為容受一切眾生,發勤精進,平等無礙,亦復如是。喻·如虚空·能生一切藥、草、叢林,然此虚空·無有住處;菩薩為增益一切眾生諸善根故,發勤精進,無所依著,無有住處,亦復如是。喻·如虚空·至一切處,然無有去;菩薩發勤精進,為至一切法故,而無至、無不至,亦復如是。喻·如虚空·非色,而於中,見種種色;菩薩為一乘故,發勤精進,而為成就純至故。示諸乘差別,亦復如是。喻·如虚空·本性清淨,不為客塵所污;菩薩發勤精進,本性清淨,為眾生故,現·受生死,不為塵累所染,亦復如是。喻·如虚空·性是常法,無有無常;菩薩究竟為不斷三寶故,發勤精進,亦復如是。喻·如虚空·無始無終,不取不捨;菩薩發勤精進,無始無終,不取不捨,亦復如是。

《證契大乘經》,唐·地婆訶羅(Divākara)譯,T. 674, vol. 16, pp. 655c-656a. 時,毘毘產,復白佛言:「世尊!<u>眾生界中,無量、無邊</u>,如恒河沙,得渡<u>三有</u>.廣大深海,或以聲聞乘渡,或以獨覺乘渡,或有證契無上摩訶若那,成等正覺,無際、無窮,無量、無數。當來亦爾,以三乘渡,逮得涅槃,無量、無邊,如恒河沙,而<u>眾生界</u>,不增、不減。世尊!我見是事,不知所為,如.廢業者。」佛言:「楞迦主!勿為.廢業。何以故?眾生界,無始、無終;虛空界、法界,

亦復如是。是故,楞迦主!當知·眾生界,不可說增、不可說減;此·<u>三有·廣大生死·深海眾生</u>,已渡、當渡,無量、無邊,而眾生界·無增、無減。如·虚空界,無增、無減,無初、中、後;而·虚空界,<u>普遍一切</u>,無障、無勞、無作、無分別。如是,楞迦主!<u>眾生界</u>,若初、若中、若後,皆不可得。若得證契聖法,則眾生界·終而無盡、減,然有得渡。所以者何?<u>眾生界</u>,法爾如是,<u>無始、無</u>終。」

毘毘產言:「世尊!云何・生死有海?」

佛言:「楞迦主!生死有海,猶如大海。」

毘毘産言:「云何・佛大師・教?」

佛言:「諸佛教法,當知如船。」

又問:「云何・出家・具法比丘?」

佛言:「具法比丘,如商人乘船。」

又問:「云何・大師教戒・奉持無缺?」

佛言:「愛法、奉法,知足·護戒,遵大師教,慎守無缺,如修理船,關綴牢固, 什物備足,商者乘之,欲渡大海。」

又問:「云何・善知識?」

佛言:「善知識者,如彼船師,將運於船。」

又問:「云何・八正支力?」

佛言:「八聖正支,如正信風,持船速進。」

又問:「云何・禪・通・三昧・三摩鉢底?」

佛言:「禪·通·三昧·三摩鉢底,猶如寶洲。」

又問:「云何・七菩提分?」

佛言:「七菩提分,如七姓寶。」

又問:「得七菩提分・證契・摩訶衍者,此復如何?」

佛言:「譬如·商人,取七姓寶,恣意滿足,成大豪富。楞迦主!得七菩提分,

證契・摩訶衍,無上修行,安隱・成佛,當知亦爾。善哉!出家,在如來教。」

《大乘密嚴經·顯示自作品第四》, 唐·地婆訶羅 (Divākara) 譯, T. 681, vol. 16, pp. 734c-735a.

爾時,金剛藏菩薩摩訶薩言:「<u>密嚴佛土</u>,是<u>最寂靜</u>,是大涅槃,是<u>妙解脫</u>,是 <u>淨法界</u>,亦是智慧及以神通諸觀行者·所止之處,本來<u>常住</u>,<u>不壞</u>、不滅,<u>水</u>不 能濡、<u>風</u>不能燥,非·如瓶等勤力所成·尋復破壞,非·諸似因及不似因·之所 成立。何以故?宗及諸分,是不定法,諸宗及因·各差別故。<u>密嚴佛土</u>,是<u>轉依</u> <u>識·超分別心</u>,非·諸妄情所行之境。密嚴佛土,是如來處,<u>無始、無終</u>,<u>非·</u> 微塵生,非·自性生,非·樂欲生,不·從摩醯首羅而生,亦非·無明愛業所生, 但是無功用智·之所生起,<u>出過</u>·欲界、及色、無色、無想天中·闇冥之網。密嚴佛土,<u>阿若悉檀</u>,非·因明者所量境界,亦非勝性、自在、聲論、毘陀如是等宗之所顯示,乃至於資糧位智慧之力不能照了,唯是如來、十地·所修清淨智境。」

第 4 週 2016/10/07 [ 單元主題 ] : [ 非過去、非未來、非現在 (不墮三界,非三世攝 )] 《 眾許摩訶帝經 》,宋·法賢 ( Dharmabhadra ) 譯, T. 191, vol. 3, p. 964a-b.

爾時,世尊復謂民彌娑囉王曰:「汝觀色是常,非常耶?」王曰:「非常。」

佛言:「是苦・非苦耶?」對曰:「是苦。」

世尊又言:「受、想、行、識,是常,非常耶?」對曰:「非常。」

又曰:「是苦·非苦耶?」對曰:「是苦。」

佛言:「色、受、想、行、識、悉是非常,是苦,是顛倒法,一切無我。」

佛又告言:「大王!當以正智、正慧,觀其真實;彼色、受、想、行、識,有<u>過</u> 去、現在、未來耶?有內外、麁細、貴賤、遠近耶?」對曰:「色、受、想、行、 識,<u>非過去、現在、未來</u>,亦非內外、麁細、貴賤、遠近等。」

佛言:「善哉。大王!若能於此五蘊,如實了知,是非常、苦、空、無我之法; 復以正智,觀其真實,知:<u>非過去、現在、及以未來</u>,乃至內外、麁細、貴賤、 遠近等;又能不著、不捨者,斯<u>真解脫</u>。大王!得斯解脫者,是智解脫:『梵行 已立,所作已辦,我生已盡,永不復趣輪迴之道。』」

《大般若波羅蜜多經·第二會》, 唐·玄奘譯, T. 220 (2), vol. 7, p. 14a. 參閱: 《大般若波羅蜜多經·第一會》, 唐·玄奘譯, T. 220 (1), vol. 5, p. 22a-b; 《大般若波羅蜜多經·第三會》, 唐·玄奘譯, T. 220 (3), vol. 7, p. 435b-c.

舍利子!諸色空,彼非色;諸受、想、行、識空,彼非受、想、行、識。何以故? 舍利子!諸色空,彼非變礙相;諸受空,彼非領納相;諸想空,彼非取像相;諸 行空,彼非造作相;諸識空,彼非了別相。何以故?舍利子!色不異空,空不異 色;色即是空,空即是色。受、想、行、識不異空,空不異受、想、行、識;受、 想、行、識即是空,空即是受、想、行、識。

舍利子!是諸法空相,不生不滅,不染不淨,不增不減,<u>非過去、非未來、非現</u> 在。如是,空中無色,無受、想、行、識;無眼處,無耳、鼻、舌、身、意處; 無色處,無聲、香、味、觸、法處;無眼界、色界、眼識界,無耳界、聲界、耳 識界,無鼻界、香界、鼻識界,無舌界、味界、舌識界,無身界、觸界、身識界, 無意界、法界、意識界;無無明,亦無無明滅;乃至無老死、愁、歎、苦、憂、 惱,亦無老死、愁、歎、苦、憂、惱滅;無苦聖諦,無集、滅、道聖諦;無得, 無現觀;無預流,無預流果;無一來,無一來果;無不還,無不還果;無阿羅漢, 無阿羅漢果;無獨覺,無獨覺菩提;無菩薩,無菩薩行;無正等覺,無正等覺菩 提。

舍利子!修行般若波羅蜜多菩薩摩訶薩,與如是法相應故,應言.與般若波羅蜜 多相應。

《大般若波羅蜜多經·第二會》, 唐·玄奘譯, T. 220 (2), vol. 7, p. 97b-c. 參閱: 《大般若波羅蜜多經·第三會》, 唐·玄奘譯, T. 220 (3), vol. 7, p. 508b.

復次,善現!汝說「大乘與虛空等」者;如是,如是,如汝所說。所以者何? 善現!譬如,虛空,東、西、南、北、四維、上下·一切方分,皆不可得;大乘亦爾,東、西、南、北、四維、上下·一切方分,皆不可得;故,說·大乘與虛空等。

善現!又,如,虚空,長短、高下、方圓、邪正,一切形色,皆不可得;大乘亦爾,長短、高下、方圓、邪正,一切形色,皆不可得;故,說,大乘與虚空等。 善現!又,如,虚空,青、黃、赤、白、紅、紫、碧、綠、縹等,顯色,皆不可得;大乘亦爾,青、黃、赤、白、紅、紫、碧、綠、縹等,顯色,皆不可得;故,說,大乘與虚空等。

善現!又,如,虚空,<u>非過去、非未來、非現在</u>;大乘亦爾,非過去、非未來、 非現在;故,說,大乘與虛空等。

善現!又,如,虚空,非增非減,非進非退;大乘亦爾,非增非減,非進非退;故,說,大乘與虚空等。

善現!又,如,虚空,非染非淨;大乘亦爾,非染非淨;故,說,大乘與虛空等。 善現!又,如,虛空,無生、無滅、無住、無異;大乘亦爾,無生、無滅、無住、 無異;故,說,大乘與虛空等。

《大般若波羅蜜多經·第二會》, 唐·玄奘譯, T. 220 (2), vol. 7, p. 164c. 參閱: 《大般若波羅蜜多經·第三會》, 唐·玄奘譯, T. 220 (3), vol. 7, p. 564a-b.

爾時,佛告天帝釋言:「如是,如是,如汝所說。憍尸迦!過去、未來、現在諸佛,皆依般若波羅蜜多,已證、當證、現證無上正等菩提;過去、未來、現在諸佛聲聞弟子,皆依般若波羅蜜多,已得、當得、現得預流、一來、不還、阿羅漢果;過去、未來、現在獨覺,皆依般若波羅蜜多,已、當、現證獨覺菩提。何以故?憍尸迦!如是般若波羅蜜多祕密藏中,廣說三乘相應法故。然此所說,以無所得為方便故,無性、無相為方便故,無生、無滅為方便故,無染、無淨為方便故,無造、無作為方便故,無入、無出為方便故,無增、無減為方便故,無取、無捨為方便故。如是所說,皆由世俗,非勝義故。所以者何?如是般若波羅蜜多,非此岸、非彼岸,非陸地、非中流,非高、非下,非平等、非不平等,非有相、非無相,非世間、非出世間、非出世間,非有漏、非無漏,非有為、非無為,非善、非非善,

非有記、非無記,<u>非過去、非未來、非現在</u>。憍尸迦!如是般若波羅蜜多,不與佛法,不與菩薩摩訶薩法,不與獨覺法,不與聲聞法,亦不棄異生法。

《大般若波羅蜜多經·第二會》, 唐·玄奘譯, T. 220 (2), vol. 7, pp. 178b-179b. 參閱:《摩訶般若波羅蜜經·隨喜品第三十九》, 後秦·鳩摩羅什 (Kumārajīva)譯, T. 223, vol. 8, p. 300a-b.

復次,大士!住菩薩乘‧諸善男子、善女人等,修行般若波羅蜜多,於諸如來. 應,正等覺,及弟子等,功德善根,應作如是隨喜迴向。如,色乃至識,不墮欲 界、色界、無色界,若不墮三界,則非過去、未來、現在;眼處乃至意處,不墮 欲界、色界、無色界,若不墮三界,則非過去、未來、現在;色處乃至法處,不 墮欲界、色界、無色界,若不墮三界,則非過去、未來、現在;眼界乃至意界, 不墮欲界、色界、無色界,若不墮三界,則非過去、未來、現在;色界乃至法界, 不墮欲界、色界、無色界,若不墮三界,則非過去、未來、現在;眼識界乃至意 識界,不墮欲界、色界、無色界,若不墮三界,則非過去、未來、現在;眼觸乃 至意觸,不墮欲界、色界、無色界,若不墮三界,則非過去、未來、現在;眼觸 為緣所生諸受乃至意觸為緣所生諸受,不墮欲界、色界、無色界,若不墮三界, 則非過去、未來、現在;般若波羅蜜多乃至布施波羅蜜多,不墮欲界、色界、無 色界,若不墮三界,則非過去、未來、現在;內空乃至無性自性空,不墮欲界、 色界、無色界,若不墮三界,則非過去、未來、現在。四念住乃至八聖道支,不 墮欲界、色界、無色界,若不墮三界,則非過去、未來、現在;如是,乃至如來 十力乃至十八佛不共法,不墮欲界、色界、無色界,若不墮三界,則非過去、未 來、現在;真如、法界、法性、實際、法定、法住、不思議界,不墮欲界、色界、 無色界,若不墮三界,則非過去、未來、現在;戒蘊、定蘊、慧蘊、解脫蘊、解 脫智見蘊,不墮欲界、色界、無色界,若不墮三界,則非過去、未來、現在;一 切智、道相智、一切相智,不墮欲界、色界、無色界,若不墮三界,則非過去、 未來、現在;無忘失法、恒住捨性,不墮欲界、色界、無色界,若不墮三界,則 非過去、未來、現在。隨喜迴向,亦應如是。

所以者何?如,彼諸法·自性空故,不墮三界,非三世攝,隨喜迴向,亦復如是。謂:諸如來·應·正等覺·自性空故,不墮三界,非三世攝;諸佛功德·自性空故,不墮三界,非三世攝;聲聞、獨覺、及人、天等·自性空故,不墮三界,非三世攝;彼諸善根·自性空故,不墮三界,非三世攝;於彼隨喜·自性空故,不墮三界,非三世攝;於彼隨喜·自性空故,不墮三界,非三世攝;能迴向者·自性空故,不墮三界,非三世攝。若菩薩摩訶薩修行般若波羅蜜多時,如實知·色乃至識,不墮三界,非三世攝;若不墮三界,非三世攝,則不可·以彼有相為方便、有所得為方便,發生隨喜迴向無上正等菩提。何以故?以色等法,自性不生;

若法不生,則無所有;不可·以彼無所有法·隨喜迴向·無所有故。

如實知·眼處乃至意處,亦如是,如實知·色處乃至法處,亦如是,如實知·眼 界乃至意界,亦如是,如實知·色界乃至法界,亦如是,如實知·眼識界乃至意 識界,亦如是,如實知·眼觸乃至意觸,亦如是,如實知·眼觸為緣所生諸受乃 至意觸為緣所生諸受,亦如是,如實知·般若波羅蜜多乃至布施波羅蜜多,亦如 是,如實知·內空乃至無性自性空,亦如是,如實知·四念住乃至八聖道支,亦 如是,如實知·如來十力乃至十八佛不共法,亦如是,如實知·真如、法界、法 性、實際、法定、法住、不思議界,亦如是,如實知·戒蘊、定蘊、慧蘊、解脫 蘊、解脫智見蘊,亦如是,如實知·一切智、道相智、一切相智,亦如是,如實 知·無忘失法、恒住捨性,不墮三界,非三世攝;若不墮三界,非三世攝,則不 可·以彼有相為方便、有所得為方便,發生隨喜迴向無上正等菩提。何以故?以 無忘失法、恒住捨性,自性不生;若法不生,則無所有;不可·以彼無所有法· 隨喜迴向·無所有故。是菩薩摩訶薩,如是隨喜迴向無上正等菩提,不雜毒藥, 終至甘露·大般涅槃。

《大般若波羅蜜多經·第二會》, 唐·玄奘譯, T. 220 (2), vol. 7, p. 199b-c. 參閱: 《大般若波羅蜜多經·第三會》, 唐·玄奘譯, T. 220 (3), vol. 7, p. 586b-c; 《摩訶般若波羅蜜經·無作品第四十三》, 後秦·鳩摩羅什(Kumārajīva)譯, T. 223, vol. 8, p. 310a.

時,具壽善現白佛言:「世尊!慈氏菩薩摩訶薩當證無上正等覺時,當以何法: 諸行、相、狀,宣說般若波羅蜜多?」

佛告善現:「慈氏菩薩摩訶薩當得無上正等覺時,當以色·非常、非無常·宣說般若波羅蜜多,當以受、想、行、識·非常、非無常·宣說般若波羅蜜多,當以道相智、一切相智·非常、非無常·宣說般若波羅蜜多。當以色·非樂、非苦·宣說般若波羅蜜多,當以受、想、行、識·非樂、非苦·宣說般若波羅蜜多;如是,乃至當以一切智·非樂、非苦·宣說般若波羅蜜多,當以受、想、行、識·非樂、非苦·宣說般若波羅蜜多,當以受、想、行、識·非樂、非苦·宣說般若波羅蜜多,當以受、想、行、識·若波羅蜜多。當以色·非我、非無我·宣說般若波羅蜜多,當以受、想、行、識·非我、非無我·宣說般若波羅蜜多,當以受、想、行、識·非我、非無我·宣說般若波羅蜜多。當以色·非淨、非不淨·宣說般若波羅蜜多,當以受、想、行、識·非淨、非不淨·宣說般若波羅蜜多;如是,乃至當以一切智·非淨、非不淨·宣說般若波羅蜜多。當以色·非縛、非脫·宣說般若波羅蜜多。當以色·非縛、非脫·宣說般若波羅蜜多,當以道相智、一切相智·非淨、非不淨·宣說般若波羅蜜多。當以色·非縛、非脫·宣說般若波羅蜜多,當以道相智、一切相智·非淨、非不淨·宣說般若波羅蜜多。當以色·非縛、非脫·宣說般若波羅蜜多,當以道相智、

一切相智·非縛、非脫·宣說般若波羅蜜多。當以色·<u>非過去、非未來、非現在</u>· 宣說般若波羅蜜多,當以受、想、行、識·非過去、非未來、非現在·宣說般若 波羅蜜多;如是,乃至當以一切智·非過去、非未來、非現在·宣說般若波羅蜜 多,當以道相智、一切相智·非過去、非未來、非現在·宣說般若波羅蜜

《大般若波羅蜜多經·第四會》,唐·玄奘譯,T. 220 (4), vol. 7, pp. 802c-803a. 佛告善現:「安住大乘善男子等,欲趣無上正等菩提,於諸如來·應·正等覺,以淨信心,取相憶念,隨所取相,皆名執著。所以者何?諸取相者,名·執著故。若於過去、未來、現在·一切如來·應·正等覺·諸無漏法,深生隨喜,復持如是隨喜善根,與諸有情平等共有·迴向無上正等菩提,亦名執著。所以者何?諸法實性,非過去、非未來、非現在,遠離三世。非·離三世可能迴向;離三世法,不可取相·不可攀緣,亦無見。聞・覺知事故。」

具壽善現便白佛言:「諸法實性,最為甚深。」

佛言:「如是,本性・離故。」

善現復言:「如是般若波羅蜜多,本性甚深。」

佛言:「如是,本性・淨故。」

善現復言:「如是般若波羅蜜多,本性清淨。」

佛言:「如是,本性·離故。」

善現復言:「如是般若波羅蜜多,皆應敬禮。」

佛言:「如是,以一切法,本性.離故。善現!當知.若一切法本性遠離,即是般若波羅蜜多。所以者何?如來證覺諸法實性.無造無作。」

善現復言:「是故,如來,應,正等覺,於一切法,無所證故,名,現等覺。」 佛言:「如是,以一切法,<u>一性</u>,非二。善現!當知,諸法<u>一性</u>,即是<u>無性</u>;諸 法無性,即是一性;如是諸法一性、無性,是本實性;此本實性,即是<u>一相</u>,所 謂<u>無相</u>。是故,善現!一切如來,應,正等覺,於一切法,無所證故,名,現等 覺。所以者何?諸法本性,唯一,無二。善現!當知,諸法<u>本性</u>,即<u>非本性</u>;此 非本性,即是本性。能如是知,即能遠離一切執著。」

《大般若波羅蜜多經·第十二會·淨戒波羅蜜多分》, 唐·玄奘譯, T. 220 (12), vol. 7, pp. 1020a-1021b.

時,滿慈子,便問具壽舍利子言:「若諸菩薩·求一切智智·而修行布施,是諸菩薩·豈不執著一切智智?若諸菩薩·起心執著一切智智,成戒禁取,云何名為持菩薩戒?」

舍利子言:「一切智智,遠離眾相,<u>非方,處攝</u>。一切智智,非色蘊,不離色蘊; 非受想、行、識蘊,不離受、想、行、識蘊。一切智智,非眼處,不離眼處;非 耳、鼻、舌、身、意處,不離耳、鼻、舌、身、意處。一切智智,非色處,不離 色處;非聲、香、味、觸、法處,不離聲、香、味、觸、法處。一切智智,非眼 界,不離眼界;非耳、鼻、舌、身、意界,不離耳、鼻、舌、身、意界。一切智 智,非眼識界,不離眼識界;非耳、鼻、舌、身、意識界,不離耳、鼻、舌、身、 意識界。一切智智,非眼觸,不離眼觸;非耳、鼻、舌、身、意觸,不離耳、鼻、 舌、身、意觸。一切智智,非眼觸為緣所生諸受,不離眼觸為緣所生諸受;非耳、 鼻、舌、身、意觸為緣所生諸受,不離耳、鼻、舌、身、意觸為緣所生諸受。一 切智智,非地界,不離地界;非水、火、風、空、識界,不離水、火、風、空、 識界。一切智智,非因緣,不離因緣;非等無間緣、所緣緣、增上緣,不離等無 間緣、所緣緣、增上緣。一切智智,非無明,不離無明;非行、識、名色、六處、 觸、受、愛、取、有、生、老死,不離行、識、名色、六處、觸、受、愛、取、 有、生、老死。一切智智,非布施波羅蜜多,不離布施波羅蜜多;非淨戒、安忍、 精進、靜慮、般若波羅蜜多,不離淨戒、安忍、精進、靜慮、般若波羅蜜多。一 切智智,非内空,不離内空;非外空、內外空、空空、大空、勝義空、有為空、 無為空、畢竟空、無際空、散空、無變異空、本性空、自相空、共相空、一切法 空、不可得空、無性空、自性空、無性自性空,不離外空、內外空、空空、大空、 勝義空、有為空、無為空、畢竟空、無際空、散空、無變異空、本性空、自相空、 共相空、一切法空、不可得空、無性空、自性空、無性自性空。一切智智、非真 如,不離真如;非法界、法性、不虚妄性、不變異性、平等性、離生性、法定、 法住、實際、虛空界、不思議界,不離法界、法性、不虛妄性、不變異性、平等 性、離生性、法定、法住、實際、虛空界、不思議界。一切智智,非苦聖諦,不 離苦聖諦;非集、滅、道聖諦、不離集、滅、道聖諦。一切智智、非四靜慮、不 離四靜盧;非四無量、四無色定,不離四無量、四無色定。一切智智,非四念住, 不離四念住;非四正斷、四神足、五根、五力、七等覺支、八聖道支,不離四正 斷、四神足、五根、五力、七等覺支、八聖道支。一切智智,非空解脫門,不離 空解脫門;非無相、無願解脫門,不離無相、無願解脫門。一切智智,非八解脫, 不離八解脫;非八勝處、九次第定、十遍處,不離八勝處、九次第定、十遍處。 一切智智,非陀羅尼門,不離陀羅尼門;非三摩地門,不離三摩地門。一切智智, 非淨觀地,不離淨觀地;非種性地、第八地、具見地、薄地、離欲地、已辦地、 獨覺地、菩薩地、如來地,不離種性地、第八地、具見地、薄地、離欲地、已辦 地、獨覺地、菩薩地、如來地。一切智智,非極喜地,不離極喜地;非離垢地、 發光地、焰慧地、極難勝地、現前地、遠行地、不動地、善慧地、法雲地,不離 離垢地、發光地、焰慧地、極難勝地、現前地、遠行地、不動地、善慧地、法雲 地。一切智智,非五眼,不離五眼;非六神通,不離六神通。一切智智,非佛十 力,不離佛十力;非四無所畏、四無礙解、大慈、大悲、大喜、大捨、十八佛不 共法,不離四無所畏、四無礙解、大慈、大悲、大喜、大捨、十八佛不共法。一 切智智,非三十二大士相,不離三十二大士相;非八十隨好,不離八十隨好。一 切智智,非無忘失法,不離無忘失法;非恒住捨性,不離恒住捨性。一切智智, 非一切智,不離一切智;非道相智、一切相智,不離道相智、一切相智。一切智 智,非預流果,不離預流果;非一來果、不還果、阿羅漢果、獨覺菩提,不離一 來果、不還果、阿羅漢果、獨覺菩提。一切智智,非諸菩薩摩訶薩行,不離諸菩 薩摩訶薩行;非諸佛無上正等菩提,不離諸佛無上正等菩提。一切智智,非有色 法,不離有色法;非無色法,不離無色法。一切智智,非有見法,不離有見法; 非無見法,不離無見法。一切智智,非有對法,不離有對法;非無對法,不離無 對法。一切智智,非有漏法,不離有漏法;非無漏法,不離無漏法。一切智智, 非有為法,不離有為法;非無為法,不離無為法。一切智智,非有量法,不離有 量法;非無量法,不離無量法。一切智智,非過去法,不離過去法;非未來、現 在法,不離未來、現在法。一切智智,非善法,不離善法;非不善、無記法,不 離不善、無記法。一切智智,非欲界繫法,不離欲界繫法;非色、無色界繫法, 不離色、無色界繋法。一切智智,非見所斷法,不離見所斷法;非修所斷、無斷 法,不離修所斷、無斷法。一切智智,非學法,不離學法;非無學、非學非無學 法,不離無學、非學非無學法。一切智智,遠離如是諸法相故,不可執取。 一切智智,遠離眾相,無法可得;無所得故,不可執取。一切智智,既非有法, 亦非無法;由此因緣,不可執取。是故,菩薩修行布施、受持淨戒,迴向無上正 等菩提,雖求證得一切智智,而不名為戒禁取攝。若諸菩薩修行布施、受持淨戒, 迴向聲聞或獨覺地,執取淨戒,是諸菩薩失菩薩戒,應知名為犯戒菩薩。」

## 第 5 週 2016/10/14 [ 單元主題 ] : [ 非過去、非未來、非現在 ]

《大般若波羅蜜多經·第十六會·般若波羅蜜多分》, 唐·玄奘譯, T. 220 (12), vol. 7, pp. 1090c-1091a.

又,舍利子!甚深般若波羅蜜多,不可宣說、不可顯示、不可戲論。

又,舍利子!甚深般若波羅蜜多,無能宣說、無能顯示、無能戲論。若能如是方便表示,即顯般若波羅蜜多。

又,舍利子!甚深般若波羅蜜多,<u>非過去、非未來、非現在</u>。又,舍利子!甚深般若波羅蜜多,<u>不可,以過去相,說</u>,<u>不可,以未來相,說</u>,<u>不可,以現在相,</u> 說。又,舍利子!甚深般若波羅蜜多,無相、無說。又,舍利子!我都不見甚深般若波羅蜜多,有如是相,可,以此相,宣說般若波羅蜜多。

又,舍利子!蘊、處、界等·<u>三世之相</u>,<u>非</u>深般若波羅蜜多;蘊、處、界等·<u>三</u>世之相·所有真如、不虛妄性、不變異性、如所有性,是深般若波羅蜜多。又,舍利子!蘊、處、界等·三世之相·所有真如、不虛妄性、不變異性、如所有性,

## 不可施設、不可顯示、不可戲論,非.語業等所能詮表。

《大方廣佛華嚴經·佛不思議法品第二十八》,東晉·佛馱跋陀羅(Buddhabhadra) 譯, T. 278, vol. 9, pp. 594b-595b.

佛子!一切諸佛,有十種巧妙方便。何等為十?一切諸佛,悉知諸法無有究竟, 而究竟說,諸佛善根,是為一切諸佛巧妙方便。

- 一切諸佛,了一切法,悉無所見,各不相知、無縛無脫、無取無集、無具足、無 自在、無究竟,而一切佛,於彼法中,實知無異,離眾垢污,於一切法,悉得自 在,於無取法中,不壞實際,善究竟學,大自在地,見一切法界,覺悟一切智, 是為一切諸佛巧妙方便。
- 一切諸佛,離諸相際,不住一切相,而分別知,一切諸相,亦不亂自性;一切諸性,無有自性,而能示現阿僧祇清淨色身,種種嚴淨,佛剎妙相;佛一切智具足,智身明淨,智燈,除滅癡闇,普能示現一切眾生,是為一切諸佛巧妙方便。
- 一切諸佛,知<u>眾生際,非過去,非未來,非現在</u>;<u>法界,亦非去、來、現在</u>;如. 如實性,捨離虛妄,而能演說.三世諸佛.見一切佛<u>平等</u>境界,是為一切諸佛巧 妙方便。
- 一切諸佛,身、口、意業,無所造作,究竟無住,離,諸數法,到於彼岸,而出 生無量功德寶藏,分別演說,世間、出世間法,具足成就無礙智慧,示現無量自 在神力,度脫一切法界等眾生,是為一切諸佛巧妙方便。
- 一切諸佛,悉知一切法·無知無見、非一非異、非相非無相、非莊嚴非不莊嚴, 一切諸法·皆<u>無自性、不生不滅</u>;而於所有無所有法中,亦不壞世間法相;一切 智人,見人·示現勝妙智慧,自在廣說一切諸法,而於如如·亦不永滅,是為一 切諸佛巧妙方便。
- 一切諸佛,能於一時,皆悉分別知一切時,不捨。離生。平等正法,一切時中,皆所不攝,非畫、非夜,非半月、非一月,非一歲、非百歲,非劫成、非劫敗,非時、不離時,而於無量時,轉淨法輪,或須臾時,或於畫。初、中、後時,或於夜。初、中、後時,或於七日、一月、一歲、百歲,乃至不可思議。阿僧祇劫時,乃至盡未來際劫,於一切時,轉淨法輪,未曾暫息,是為一切諸佛巧妙方便。一切諸佛,知一切法界。非時、不離時;一切諸佛,具足成就無量、無畏,具足成就不可數辯、不可量辯、不可盡辯、不可壞辯、無邊辯、不共辯、無窮盡辯、真實辯,方便分別演說一切句身。味身辯、一切法辯,隨性、隨根、隨行。廣說諸法不可說。不可說。億。那由他。修多羅,彼諸一一修多羅,初、中、後。善,究竟善說,是為一切諸佛巧妙方便。
- 一切諸佛,正覺法界,無名、無性、<u>無三世名</u>、無眾生名、無法名、無非法名、 無功德名、無非功德名、無菩薩名、無佛名、無數名、無非數名、無生名、無滅

名、<u>非有名、非無名</u>、非一名、非種種名;一切諸法自性無言,<u>無方、無處</u>,捨離音聲,言語道斷,究竟彼岸,離虛妄境界·修無形法,除滅一切覺觀虛妄,不著一切世間語言,而能出生一切諸法·句身、味身,是為一切諸佛巧妙方便。一切諸佛,知一切法不生,無有受者,知色不生,受、想、行、識不生;一切諸法,皆悉寂滅,無入、無界,法界·無所有,而亦不壞一切法相;一切諸法,無有起者,悉如虛空;一切法,寂滅,無有業報、無所學、無成就、無數、無非數、非有、非無、非生、非滅、非垢、非淨、無來、無去、亦無有住、無眾生、非無眾生、亦無教化、無命、非無命、無因緣、非無因緣、無緣起、非無緣起,而善分別正定、邪定、不定眾生,成就十力、四無所畏、一切種智,於大眾中,大師子吼如來境界,是為一切諸佛巧妙方便。佛子!是為一切諸佛十種巧妙方便。

《大方廣佛華嚴經·入法界品第三十四》,東晉·佛馱跋陀羅(Buddhabhadra) 譯,T. 278, vol. 9, pp. 722c-723b. 參閱:《佛說羅摩伽經》,西秦·聖堅譯,T. 294, vol. 10, pp. 867b-868a.

答言:「善哉,善哉。童子·乃能發阿耨多羅三藐三菩提心,問菩薩行,具足諸地。善男子!菩薩成就十法,則能具足菩薩所行。何等為十?一者,得現前三昧,見一切佛。二者,得清淨眼,見一切佛‧相好‧嚴身。三者,分別了知一切諸佛‧無量、無邊‧功德大海。四者,無量、無邊‧佛光明海,悉能<u>普照一切法界</u>。五者,於一毛孔,放‧一切眾生數等‧大光明海,隨其所應,度脫眾生。六者,於一一毛孔,悉見一切寶光焰海。七者,於念念中,出一切佛‧變化大海,充滿法界,究竟一切諸佛境界,教化眾生而無障礙。八者,出一切佛‧妙音聲海,轉三世佛‧清淨法輪。九者,演說一切修多羅雲,究竟佛音,深入一切諸如來海。十者,現不思議佛自在神力,化度眾生。善男子!若有菩薩具此十法,則滿足菩薩一切諸行。

善男子!我已成就<u>菩薩寂滅、定樂、精進法門</u>,悉見<u>三世</u>·嚴淨<u>佛剎</u>·一切諸佛·及眷屬海、無量無邊佛神力海。分別了知佛名號海、轉法輪海,知彼諸佛壽命無量,音聲微妙,法身清淨·充滿法界,亦不著·如來一切諸相。

何以故?如來,<u>非過去</u>,除滅世間一切取故;如來,<u>非未來</u>,無所起故;如來, <u>非現在</u>,無生身故;如來,<u>非滅</u>,離語言道故;如來,<u>非實</u>,現幻法故;如來, <u>非虚妄</u>,饒益一切眾生·出興世故;如來,<u>去無所至</u>,滅·死此生彼故;如來, 不可壞,法性無壞故;如來,一性,離語言道故;如來,無性,究竟法性故。 善男子!我如是了知一切如來,開發、增廣<u>菩薩寂滅、定樂、精進法門</u>,照明莊 嚴,深入隨順、平等、堅固境界;分別了知,遠離虛妄,發起大悲,攝取眾生。……」

《佛說莊嚴菩提心經》,姚秦·鳩摩羅什(Kumārajīva)譯, T. 307, vol. 10, p. 961b-c.

思無量義菩薩白佛言:「世尊!云何菩薩修菩提心?何者是菩提心?」

佛告思無量義菩薩:「菩薩修菩提心者,非於眾生。菩提心者,不可得。此心, 非色、非見法,亦無有得者。何以故?眾生空故。」

思無量義菩薩白佛言:「世尊!法相如是甚深,菩薩當云何修行?」

佛告思無量義菩薩:「善男子!菩提心者,非有、非造,離於文字。菩提即是心, 心即是眾生。若能如是解,是名<u>菩薩修菩提心</u>。

菩提,<u>非過去、未來、現在</u>;如是,心、眾生,亦<u>非過去、未來、現在</u>。能如是解,名為菩薩。然,於是中,實<u>無所得</u>;以無所得,故得。若於一切法無所得, 是名得菩提。為.始行眾生故,說有菩提。如,阿羅漢取證,於法無所得;以世俗言辭故,說.有菩提,然,菩提,實不可得。若於一切法無所得,是名得菩提。然,於是中,亦無有心、亦無造心者,亦無有菩提、亦無造菩提者,亦無有眾生、亦無造眾生者,亦無有聲聞、亦無發聲聞者,亦無辟支佛、亦無發辟支佛者,亦無有菩薩、亦無發菩薩者,亦無有佛、亦無成佛者,亦無有為、亦無造有為者,亦無無為、亦無造無為者。是中,已得、今得、當得,皆不可得。」

《大寶積經·法界體性無分別會第八》,梁·曼陀羅(Mandra)譯,T. 310 (8), vol. 11, p. 143b-c.

文殊師利言:「大徳・舍利弗!汝斷諸漏・得於無漏解脫心耶?」

舍利弗言:「我得無漏解脫之心。」

文殊師利言:「大德以何等心,得於解脫?為<u>過去心</u>?為<u>未來心</u>、<u>現在心</u>耶?大德!<u>過去世心</u>,已滅之想;<u>未來世心</u>,未至之想;<u>現在世心</u>,不住之想。云何·大德心得解脫?」

舍利弗言:「文殊師利!非·<u>過去心</u>得於解脫;非·<u>未來、現在心</u>得於解脫。」 文殊師利言:「大德!汝云何言·心得解脫?」

舍利弗言:「文殊師利!住世諦,說·心得解脫;第一義中,都無有心繫縛、解 脫。」

文殊師利言:「大徳・舍利弗!汝欲令・法界體性・有於世諦、第一義諦耶?」

舍利弗言:「文殊師利!法界體性,無有世諦、第一義諦。」

文殊師利言:「大德!汝云何說・住於世諦・心得解脫?」

舍利弗言:「文殊師利!寧·無有·心得解脫耶?」

文殊師利言:「大德·舍利弗!若心有內、有外、中者,是得解脫;大德!而, 是心者,無內、外、中,無繫縛、解脫。」

《大寶積經·菩薩見實會第十六·他化自在天授記品第十八》,北齊·那連提耶舍(Narendrayaśas)譯,T. 310 (16), vol. 11, p. 382a-b.

爾時,他化自在天王為首,與其眷屬·八十·那由他·諸天眾等,見諸阿修羅、伽樓羅、龍女、龍王、鳩槃茶、乾闥婆、夜叉、緊那羅、訶羅伽闍天、四天王、忉利天、夜摩天、兜率陀天、化樂天等·供養如來,聞授記已,欣喜踊悅,皆得稱心,異口同聲·而白佛言:「世尊!化樂諸天所說實際者,我等尚不見實,況復見際。何以故?世尊!若見實者,可言見際。何以故?是人行於二處。住如是乘者,若善男子、善女人,應為彼說·此二種法。此二法者,非真境界。世尊!若善男子、善女人,於不二法,不信、不入,雖復如是此人發心望得菩提,當知是人行於非徑。何以故?此·於菩提·非道行故。

世尊!若有眾生求菩提者,是人不見一法可覺。何以故?無有少法·可得覺寤·阿耨多羅三藐三菩提故。

世尊!彼法,<u>非過去、非未來、非現在</u>,非有為、非無為,非有、非無,非可識、 非可知,非可捨、非可修、非可證。

謂·菩提者,彼法,非·與餘法作對治;餘法,亦不與彼法作對治。何以故?彼法,非雜煩惱、非離煩惱,<u>法體不可得</u>,性自離故。此法,不與彼法作對治;彼法,亦不與此法作對治。何以故?一切諸法,離諸相故。是故,彼法,非可知、非可識、非可捨、非可修、非可證。

世尊!色生者,離生相故,彼亦非可知,乃至非可證;受、想、行、識,亦復如是。世尊!色滅者,離色相故,彼亦非可知,乃至非可證;受、想、行、識,亦復如是。

世尊!<u>過去者,離過去相</u>故,彼亦非可知,乃至非可證;<u>未來者,離未來相</u>故,彼亦非可知,乃至非可證;<u>現在者,離現在相</u>故,彼亦非可知,乃至非可證。 世尊!有為者,離有為相故,彼亦非可知,乃至非可證;無為者,離無為相故,彼亦非可知,非可識,非可捨,非可修,非可證。

世尊!如是等,乃至·為陰所攝、或<u>過去所攝、現在所攝、未來所攝</u>、或有為所攝、無為所攝——此等諸法,<u>皆不可得</u>。以不得故,是故彼法,非可知,非可識, 非可捨,非可修,非可證。世尊!若有如是為求菩提發心·修行·善男子、善女 人,彼皆名為·住菩薩乘。」

《大寶積經·菩薩見實會第十六·廣果天授記品第二十二》,北齊·那連提耶舍 (Narendrayaśas)譯,T. 310 (16), vol. 11, pp. 390a-391a.

彼眼入者,是誰入?謂・苦入。

何者是眼?謂.清淨四大所造色,名為眼。

何等是四大?謂·清淨地界,水、火、風界。彼淨地界性,自離故,以法體不可得,彼即非成就。如是,清淨水、火、風界體性,自離,以法體不可得,彼即非成就。

如是,眼入·<u>非成就</u>,是故,<u>不可說言過去、現在、未來</u>。何以故?眼入,非物。 以非物故,不生、不滅。若不生滅者,即是不可說。如是,眼·不生滅,入·亦 不生滅。以不生滅故,即是不可說。應當如是知。唯是·但名,但用,但假,但 是世俗,但是言說。彼名·名體,亦離自性。何以故?無有一法·得名為眼,名 為入,名為苦。以名·不可得,是故眼入·亦不可得。以眼·不可得,即是陀羅 尼入。是陀羅尼入,亦不可得。何以故?性·自離故,但名,但用,但假施設, 世俗言說。如是,以眼入入,得陀羅尼。得陀羅尼已,便得辯才。當知耳鼻舌身 意、色聲香味觸法,亦皆如是。……

世尊!譬如·空拳,虛誑、無物,但有名字、乃至言說;於第一義中,空拳亦無。如是,眼及眼根,猶如空拳,虛妄非實,而現虛相,誑惑凡夫,但有名字、乃至言說;於第一義,眼及眼根,俱不可得。

如是,世尊得一切智已,為度眾生故,說名為<u>根</u>。彼等諸根,於第一義,性自離故,根體皆空。其法體空者,用亦虛妄,非有、非實,誑惑凡愚。離自性故,不生不滅。不生滅者,<u>不得說言彼是過去、現在、未來</u>。若於三世中<u>·無</u>者,彼即無名、無相,非可說、非可為他說,非生、非可生,非已知、非當知,非已聞、非當聞,非識、非可識,非已證、非當證,非已得、非當得,非已見、非當見,非已到、非當到。何以故?彼非有故。

世尊!譬如·有人於其夢中,受樂、喜笑、囈語、遊戲。是人,爾時·從寐寤已,憶念·夢中受樂遊戲;念已,求之不見、不得。何以故?彼人·夢中受樂·喜笑・囈語·遊戲,尚自無實,何況寤時;若見、若得,無有是處。世尊!如是,諸根,猶如夢中受樂、遊戲,實不可得。如是,一切諸法體性,亦不可得。以不可得故,不可說言彼是過去、現在、未來。若於三世中·不可得者,彼即不可說。一切諸根,當如是知。

《大寶積經·菩薩見實會第十六·四轉輪王品第二十六》,北齊·那連提耶舍 (Narendrayaśas)譯,T. 310 (16), vol. 11, pp. 431b-433b.

佛告大王:「汝知·爾時頂生王者,豈異人乎?勿作異觀,莫生疑惑,我身是也。我昔曾為頂生王時,統領人天,豪貴自在,貪欲無厭,而取終沒。是故,大王!應捨·豪富憍慢自在,住不放逸。若能住於不放逸行,是人即能修諸善根。大王!若不放逸者,復能入於法界平等。大王!若人能離放逸者,成就利益。大王!有為.無為界,非男、非女,非過去、非未來、非現在。大王!當於此法,安住自心,勿隨他教。大王!此法,乃是過去、未來、現在諸佛世尊.無上菩提。大王!應當遠離一切豪貴,消竭一切渴海,倒.憍慢山,遠離一切衰禍。於一切平等,非.一切凡夫地,亦非.聲聞之所能行,又非.一切緣覺境界,乃是一切菩薩所行,一切諸佛正覺所證。王當安心,勿令散亂,應作是念:『我當云何.於未來

世·一切世間·天人之中,得為燈明、為炬、為光、為船、為導、為師,得為商主、為首、為無上,自度、度彼,自脫、脫彼,自安、安彼,自得涅槃、令他涅槃?』大王!觀<u>先際</u>所經豪富自在。大王!當知·<u>諸根如幻</u>,無有厭足,無能滿者;境界如夢,不能令滿。

大王!過去有王,名曰尼彌,了達諸法,如法·為王,重·不放逸,若所作事。 離諸放逸。大王!是尼彌王,常觀三世平等,又觀一切諸法.猶如三世平等,觀 過去一切諸法・遠離自性、觀未來一切諸法・遠離自性、觀現在法・亦復如是・ 遠離自性。大王!彼尼彌王,觀一切三世法平等已,於諸法,不生取著。彼尼彌 王,觀一切世間,為四顛倒,之所顛倒,於不淨法中,而起淨想,於苦法中,而 生樂想,於無常法中,而起常想,於無我法中,而生我想。見世如是,便作是念: 『世間,則壞,甚大敗壞。如此,眾生.一切諸法自性空寂.而不覺知。』大王! 爾時‧尼彌王,復作如是念:『我當以四攝法,攝諸眾生。若我四法.攝眾生者, 是諸眾生、隨順於我,受我言教。』爾時、尼彌大王,先作是方便已,即以四攝, 攝諸眾生。攝諸眾生已,尼彌大王,即教人民‧一切諸法平等,作如是言:『汝, 諸眾生!一切諸法,離於自性。若一切法離自性者,彼法,亦非過去、非未來、 <u>非現在</u>。何以故?彼法自性·無實故。若法離自性者,彼法·亦不可說是過去、 未來、現在。 』 大王! 爾時·彼尼彌王,於彼眾生所,教·是三世平等法已,彼 諸眾生・八十・千・萬・那由他・無量・百・千・眾生,得無生法忍。......其・ 尼彌王,到閻浮提已,成就大悲、善巧方便,令無量眾生,安住佛法。大王!莫 作異疑,勿生異觀。昔・尼彌王者,我身是也。大王!當觀,不放逸力,難可思 議。尼彌大王,昇·帝釋座,尚無貪著。是故,大王!於佛法中,當勤精進,修 不放逸。大王!何謂佛法?大王!一切諸法,皆是佛法。」

爾時,淨飯王,聞此語已,即白佛言:「若一切法·是佛法者,<u>一切眾生</u>·亦應是佛。」

佛言:「若<u>不顛倒見</u>·眾生者,即是其佛。大王!所言<u>佛</u>者,<u>如實見</u>·眾生也。 如實見·眾生者,即是<u>見實際</u>。實際者,即是<u>法界</u>。大王!法界者,不可顯示, 但名,但俗,但是俗數,但有言說,但假施設,應如是觀。

大王!<u>一切法無生</u>,此是陀羅尼門。何以故?此名·陀羅尼門,於此,一切法, 無動、無搖,無取、無捨,是名陀羅尼門。

大王!<u>一切諸法不滅</u>,是陀羅尼門。何以故?不滅,是陀羅尼門,於中,一切法, 無動、無搖,無取、無捨。彼陀羅尼門,無有相貌,無有自性,無可施設,無作、 無造,無來、無去,無眾生、無命、無人、無養育,非對治,無形、無狀,無纏、 無離,無穢、無淨,無愛、無憎,無縛、無解,無命者,無出、無退,無得、無 住,無定、無亂,無知、非無知,非見、非不見,非戒、非犯,非悔、非不悔, 非喜、非不喜,非猗、非不猗,非苦、非樂,非定、非不定,非實、非倒,非涅 槃、非不涅槃,非愛、非離愛,非見、非不見,非解脫、非不解脫,非智、非不智,非視、非不視,非業、非不業,非道、非不道。大王!應當以此六十七法門, 入一切法。

《大寶積經·普明菩薩會第四十三》,晉·失譯, T. 310 (43), vol. 11, pp. 635a-635c. 参閱:《大乘寶雲經·寶積品第七》, 梁·曼陀羅仙(Mandra)、僧伽婆羅(Saṃhavarman; Saṅghapāla)譯, T. 659, vol. 16, pp. 279c-280b.

又,大迦葉!閻浮提內·諸醫師中,耆域醫王,最為第一。假令三千大千世界所有眾生,皆如耆域,若有人問·心中結使、煩惱、邪見、疑悔·病藥,尚不能答,何況能治。菩薩於中,應作是念:「我終不以世藥為足;我當求習出世智藥,亦修一切善根福德。」如是,菩薩得智藥已,遍到十方,畢竟療治一切眾生。何謂菩薩出世智藥?謂·知·諸法從緣合·生,信·一切法無我、無人,亦無眾生、壽命、知、見,無作、無受,信解通達無我·我所。於是空法·無所得中,不驚、不畏,勤加精進,而求心相。菩薩如是求心:何等是心?若貪欲耶?若瞋恚耶?若愚癡耶?若過去、未來、現在耶?若心・過去,即是盡滅;若心・未來,未生、未至;若心・現在,則無有住。是心,非內、非外、亦非中間;是心,無色、無形、無對、無識、無知、無住、無處。如是心者,十方三世一切諸佛,不已見,不今見,不當見。若一切佛・過去、來、今·而所不見,云何當有?但以顛倒想故,心生諸法・種種差別。是心,如幻,以憶想、分別故,起種種業,受種種身。又,大迦葉!心,去如風,不可捉故。心,如流水,生滅不住故。心,如燈焰,眾緣有故。是心,如電,念念滅故。心,如虛空,客塵污故。心,如獼猴,貪六

欲故。心,如畫師,能起種種業因緣故。心,不一定,隨逐種種諸煩惱故。心,如大王,一切諸法增上主故。心,常獨行,無二、無伴,無有二心能一時故。心,如怨家,能與一切諸苦惱故。心,如狂象,蹈諸土舍,能壞一切諸善根故。心,如否鈎,苦中生樂想故。是心,如夢,於無我中,生我想故。心,如蒼蠅,於不淨中,起淨想故。心,如惡賊,能與一種種考掠苦故。心,如惡鬼,求一人便故。心,常高下,貪恚所壞故。心,如盜賊,劫一切善根故。心,常貪色,如蛾投火。心,常貪聲,如軍久行一樂勝鼓音。心,常貪香,如猪憙樂不淨中臥。心,常貪味,如小女人一樂著美食。心,常貪觸,如蠅著油。

如是,迦葉!求是<u>心相</u>,而<u>不可得</u>。若不可得,則<u>非過去、未來、現在</u>。若非過去、未來、現在,則<u>出三世</u>。若出三世,<u>非有</u>、非無。若非有、非無,即是不起。若不起者,即是無性。若無性者,即是無生。若無生者,即是無滅。若無滅者,則無所離。若無所離者,則無來、無去、無退、無生。若無來、無去、無退、無生,則無行業。若無行業,則是無為。若無為者,則是一切諸聖根本。是中,無有持戒,亦無破戒。若無持戒、無破戒者,是則無行,亦無非行。若無有行、無非行者,是則無心,無心數法。若無有心、心數法者,則無有業,亦無業報。若無有業、無業報者,則無苦、樂。若無苦、樂,即是聖性。是中,無業、無起業者,無有身業、亦無□業、亦無意業。是中,無有上、中、下差別。聖性平等,如虚空故。是性・無別,一切諸法・等一味故。是性・遠離,離身心相故。是性・離一切法,隨順涅槃故。是性・清淨,遠離一切煩惱垢故。是性・無我,離我、我所故。是性・無高下,從平等生故。是性・直諦,第一義諦故。是性・無盡,畢竟不生故。是性・常住,諸法常如故。是性・安樂,涅槃為第一故。是性・清淨,離一切相故。是性・無我,求我不可得故。是性・真淨,從本已來畢竟淨故。

《大寶積經·無盡慧菩薩會第四十五》, 唐·菩提流志 (Bodhiruci)譯, T. 310 (45), vol. 11, p. 648a-b.

爾時,無盡慧菩薩,即從坐起,偏袒右肩,右膝著地,合掌向佛,頭面禮敬,以眾寶華,奉散於佛,而白佛言:「世尊!所言菩提心者,以何義故,說菩提心?菩薩復以幾法,成就菩提心?云何是菩提心?菩提中,心不可得;心中,菩提亦不可得;離菩提,心不可得;離心,菩提亦不可得。菩提者,無色、無相,不可言說;心,亦無色、無相,不可顯示;眾生亦爾,皆不可得。世尊!諸法如是,當依何義,而得修行?」

佛言:「善男子!汝今諦聽。我說菩提者,本無名字、言說。何以故?於菩提中,名字、言說,不可得故;心及眾生,亦復如是。若如是知,名·菩提心。菩提者,<u>非過去、未來、現在</u>;心及眾生,亦<u>非過去、未來、現在</u>。若知此義,是名菩薩。然於其中,亦不可得。於一切法·都無所得,是名·得菩提心。如,

阿羅漢·得阿羅漢果;而於此中,都無所得,唯除.隨俗.說言得果。於一切法, 皆無所得;得菩提心,亦復如是。為欲引攝初業菩薩故,說菩提心;然,於其中, 無心、無心名,無菩提、無菩提名,無眾生、無眾生名,無聲聞、無聲聞名,無 獨覺、無獨覺名,無菩薩、無菩薩名,無如來、無如來名,無有為、無有為名, 無無為、無無為名,無現得、無當得。」

# 第 6 週 2016/10/21 [ 單元主題 ] : [ 非過去、非未來、非現在 ]

《如來莊嚴智慧光明入一切佛境界經》,元魏·曇摩流支(Dharmaruci)譯, T. 357, vol. 12, p. 243a-c. 參閱:《度一切諸佛境界智嚴經》,梁·僧伽婆羅(Saṃhavarman; Saṅghapāla)等譯, T. 358, vol. 12, p. 251b-c; 《佛說大乘入諸佛境界智光明莊嚴經》,宋·法護等譯, T. 359, vol. 12, pp. 257b-258a.

文殊師利!譬如·大海中,有如意寶珠,懸置高幢上,隨何等·何等·眾生念、 須何等·何等·事,如是·如是,聞·彼摩尼寶珠·出聲。而·彼摩尼寶珠·不 分別、無分別、不思惟,無心、離心,離心,意.意識。

文殊師利!如來,亦復如是,不分別、無分別、不思惟,無心、離心,離心.意. 意識,不可測量、離諸測量,不得、離得,貪不能轉、瞋不能轉、癡不能轉,不 實、不妄,非常、非不常,非照、非不照,非明、非不明,非覺者、非不覺者, 不生、不滅,不思議、不可思議,無體、離體,不可取、不可捨,不可戲論、不 可說、離諸言說,不喜、離喜,無生,不可數、離諸數量,<u>不去、無去、去寂</u>, 經一切諸趣、離一切言說,不可見、不可觀、不可取,非虚空、非不虚空,非可 見、非可說,非和合、非離和合,非作、非造、非示,非染、非可清淨,非名、 非色,非相、非無相,非業、非業報,<u>非過去、非未來、非現在</u>,非有煩惱、非 無煩惱,非諍、非不諍,非聲、離一切聲、無言,無相、離一切相,<u>非內、非外、</u> 亦非中間。文殊師利!而·如來寶珠,清淨、直心,懸大慈悲高幢之上,隨何等 何等·眾生信、何等·何等·眾生行,聞如是·如是·說法聲。文殊師利!如來, 於一切事,平等,捨心,無分別、無異心。

文殊師利!譬如・響聲,從他而出,眾生得聞。而・彼響聲,<u>非過去、非未來、</u> <u>非現在</u>,<u>非內、非外、非二中間可得</u>,非生、非滅,非斷、非常,非知、非不知, 非覺、非不覺,非明、非不明,非縛、非脫,非毀、非不毀,非念、非不念,<u>非</u> <u>處、非不處</u>,非住、非不住,<u>非地界、非水界、非火界、非風界</u>,非有為、非無 為,非戲論、非不戲論,非聲、非不聲,非見、非不見,非字、非言、非離言語, 非稱量、離稱量,非相、離相,非寂靜、非離寂靜,非長、非短,非心、非不心, 非觀、非不觀,非可見相、非不可見相,非空、非不空、自體空,非可念、非不 可念、離可念,非可覺、非不可覺,離心・意・意識,<u>一切處平等</u>,無分別、離 異分別,過三世。文殊師利!而·彼響聲,隨種種眾生·種種言音,聞種種響。 文殊師利!如來·應·正遍知,說法音聲,亦復如是,<u>非過去、非未來、非現在</u>, <u>非內、非外、非二中間可得</u>,非生、非滅,非斷、非常,非知、非不知,非覺、 非不覺,非明、非不明,非縛、非脫,非毀、非不毀,非念、非不念,<u>非處、非</u> <u>不處</u>,非住、非不住,非地界、非水界、非火界、非風界,非有為、非無為,非 戲論、非不戲論,非聲、非不聲,非見、非不見,非字、非言、非離言語,非稱 量、離稱量,非相、離相,非寂靜、非離寂靜,非長、非短,非心、非不心,非 觀、非不觀,非可見相、非不可見相,非空、非不空、自體空,非可念、非不可 念、離可念,非可覺、非不可覺,離心·意·意識,<u>一切處平等</u>,無分別、離異 分別,<u>過三世</u>。文殊師利!隨種種眾生·種種信、種種解,聞於如來·應·正遍 知·如是·如是·說法音聲。

《大方等大集經·不眴菩薩品第四》,北涼·曇無讖(Dharmarakṣa)譯, T. 397, vol. 13, p. 45c.

爾時,須菩提,語不眴菩薩言:「善男子!汝已久修清淨梵行。」

不眴菩薩言:「大德!夫<u>梵行</u>者,<u>非是過去、未來、現在</u>。若非過去、未來、現在,即是<u>無作</u>。若無作者,即名為<u>行</u>。如是行者,名為<u>無生</u>、名為<u>無等</u>,無有言說及以威儀。

大德! 非眼行故,名為梵行,非耳鼻舌身意行故,名為梵行。非色聲香味觸法行故,名為梵行。亦非色受想行識行故,名為梵行,非相、非緣、非見、非聞、非知、非覺。大德! 如是等法,無去、來、住,無牽、無挽,無有數量,無上、無下,是名梵行。」

《佛說海意菩薩所問淨印法門經》,宋·法護等譯,T. 400, vol. 13, pp. 487c-488a. 海意菩薩白佛言:「世尊!想·云何知?或過去耶?未來邪?現在耶?」佛言:「非過去、未來、現在。所以者何?過去想,已盡;未來想,未至;現在想,無住。是故,當知·於三世中,想·無所得。如是,乃能正知於想,由正知想故,即能清淨菩薩一切所行之行,復能了知一切眾生種種之行。海意!若菩薩不能清淨菩薩之行,即不能知眾生之行。若復能知眾生諸行,乃能清淨菩薩之行。如是,了知眾生行故,即為眾生·如應說法,乃能隨諸眾生心轉,所應示現·而悉能知。」

《奮迅王問經》,元魏·瞿曇般若流支(Prajñāruci)譯, T. 421, vol. 13, pp. 941c-942a. 「奮迅王!何者·<u>因緣智</u>?無明緣·行;無明不念:『我能生行。』行緣於·識;行亦不念:『我能生識。』識緣·名色;識亦不念:『我生名色。』名色緣·六入;名色不念:『我生六入。』六入緣·觸;六入不念:『我能生觸。』觸緣於·受;

觸亦不念: 『我能生受。』 受緣於・愛; 受亦不念: 『我能生愛。』 愛緣於・取;

愛亦不念:『我能生取。』取緣於‧有;取亦不念:『我能生有。』有緣於‧生;

有亦不念:『我能生生。』生緣・老、死;生亦不念:『我生老、死。』

奮迅王!菩薩如是觀察因緣,則無諸見,無有斷見、無有常見。

彼如是知·<u>一切諸法皆因緣生</u>。彼人如是推求因緣,亦不可得。彼於因緣,得<u>因緣智</u>。云何得智?因緣、不生,此二·<u>平等</u>。如是平等,空、無相·願。十二因緣,皆悉平等。若以平等,如是所覺·一切諸法·因緣,平等。如是<u>因緣</u>,則<u>非</u>因緣。彼因緣中,無少法生,故名因緣。若知·不生亦是因緣,名因緣智。

明與無明,此法<u>不二</u>。若知此者,名因緣智。行與非行,此法不二。若知此者, 名因緣智。識與非識,此法不二。若知此者,名因緣智。名色、非名色,此法不 二。若知此者,名因緣智。六入、非六入,此法不二。若知此者,名因緣智。如 六入、非六入,不二;如是,觸、非觸·不二,受、非受·不二,愛、非愛·不 二,取、非取·不二,有、非有·不二,生、非生·不二,老死、非老死·不二。 若知此者,名因緣智。

如·因緣處、如·彼因緣,皆空、無我,如·彼因緣,不來、不去,如·彼因緣, 虚妄不實,如·彼因緣,無取、可取;如是;因緣,無行、無相。若如是知,名 因緣智。

若<u>見因緣</u>,不<u>見</u>無明,亦不見行,亦不見識,不見名色,不見六入,亦不見觸,亦不見受,亦不見愛,亦不見取,亦不見有,亦不見生,不見老、死。若如是見,彼見因緣。若見因緣,彼則<u>見法</u>。見何者法?見.離欲法。離何等欲?一切法中,種種見欲;離如是欲,故名離欲。

彼所見法,不增、不減。如是所見,則是真如,不得、不染。如是所見,則是法界,不壞、不成。如是所見,實際,不穿。如是所見,雖見,不見。如是所見, 非肉眼見,非天眼見,非慧眼見。何以故?肉眼不覺,以其不覺,是故不見。天 眼有為;以有為故,不見無為,是故不見。慧眼不見,以不分別;不分別故,亦 不能見。

奮迅王!菩薩<u>如是見一切法</u>,則<u>見如來</u>;非是·色見,非受、非想、非行、非識、非·相等見,非·法界見,非戒、定、慧、非·解脫見、亦非·解脫知見法見, 非過去見、非未來見、非現在見。若如是見,則<u>見如來</u>。」

《佛說象頭精舍經》,隋·毘尼多流支(Vinītaruci)譯,T. 466, vol. 14, p. 487a-b. 爾時,世尊獨坐思惟,入諸三昧,遍觀法界,自覺成道——具一切智,所作已訖,棄諸重擔,度生死流,捨離慳貪,拔三毒刺,盡諸渴愛,集大法船,擊大法鼓,吹大法蠡,建大法幢,已斷生死——演說正法:閉諸惡趣,開善道門,永離惡土,遊諸淨國。

「我觀彼法,誰修菩提?誰得菩提?誰欲得者?<u>過去、現在</u>、及以<u>未來</u>,誰之所證?為是身得、為心得乎?

若以身得;是身,無知,猶如草木、沙礫、牆壁,無所覺知。四大和合,父母所生,常須飲食、衣服、澡浴、摩拭,終歸敗壞,是磨滅法。是菩提者,但有空名,而無實相,無聲、無色、無成、無見、無人、無知、無去、無來,如是等法,亦無繫縛。能過諸法,超出三界,無見、無聞、無我,我所、無作者、無處所、無窟宅、無取、無著、無出、無人、無願、無住、無相、無貌、無彼、無此、無示,猶如幻化。以十二因緣生,無處所、不可見、離相,如虛空現,寂靜,無聲、無響、無文、無字、亦無言說。如是知者,是名菩提。

若以心得;是心,無定,猶如幻化,皆因過去妄想業生,無形、無執,猶如虚空。 菩提者,無有處所,<u>非過去、非未來、非現在</u>,一切法空。雖復言說,有名,無 實,是無為法,空、無相、無作,非有、非無,非可示現、無說、無聞。夫<u>菩提</u> 者,非.<u>過去得</u>,非.<u>未來得</u>,非.<u>現在得</u>,亦不.<u>離三世得</u>,無相,非作、非 不作。若能如是覺了三世法者,即是菩提。」

《文殊師利問經·般若波羅蜜品第六》,梁·僧伽婆羅(Saṃhavarman; Saṅghapāla) 譯, T. 468, vol. 14, p. 495c.

佛告文殊師利:「是修行,非·修行,不以心·意·識故。文殊師利!心,者聚義;意者,憶義;識者現知義。不以此心·意·識,修行般若波羅蜜;不以此修行,是修行;以無處,是修行。修行者,不依欲界、色界、無色界,非過去、非未來、非現在,非內·外、非中間;如此修行,是修行般若波羅蜜。不修形色,是修行般若;非·地水火風,是修行般若。非有、非無,非聲聞、緣覺,非善、不善、無記,非十二因緣,非男、非女、非非男、非非女,非常、非智,非滅、非生,非可數,不可思議,不可言說,無可依、無名字,無相、無異相,無增、無減,自性清淨,真實·不可覺,普遍·等虛空,無色、無作,出過三世,不苦、不樂,無・日月星宿;如此修行,是修行般若波羅蜜。真實,非般若波羅蜜;般若波羅蜜,非真實。文殊師利!如此修行,名修行般若波羅蜜。」

《持世經·十二入品第四》,姚秦·鳩摩羅什(Kumārajīva)譯,T. 482, vol. 14, pp. 654b-655a.

佛告持世:「何謂·菩薩摩訶薩·善知·十二入?菩薩摩訶薩·正觀擇十二入時,作是念:『眼中,眼入·不可得。眼中·眼入無決定·又,眼入根本,不可得。』何以故?眼入,從眾緣生,顛倒起,以緣色故,繫在於色,二法合·故有。因色,有眼入;因色,說眼入;二法相依故,說名眼·色。所謂眼·色;色,是眼入門,與緣故;眼,是色入門,與見故;是故,說入。以色緣故,說眼入;以眼見故,

說色入。但,以世諦故‧說;其實,眼,不依色;色,不依眼;眼,不依眼;色,不依色。但從眾緣起,色作緣故,說名眼入;又從眾因緣起,眼所知見相故,說名色入。云何為說?隨世俗、顛倒法故,說;第一義中,眼入不可得,色入不可得。智者,求諸入,不見.有實入。但,以凡夫顛倒相應,以二相說,是眼入、是色入。是眼入、是色入,即示虛妄入,欲令眾生.如實知.諸法實相故,說.是諸入.皆從眾因緣生.顛倒相應行;此中,諸入實相,不可得。何以故?若眼入、若色入,不在內、不在外、不在中間;眼入、色入,亦非過去,非未來、非現在;但現在.因緣知色.故,說眼入。如凡夫所行,智者通達.諸入皆是虛妄、無所有,從憶想.顛倒.分別起.知見,非入.是入,不說.諸入性。諸入,無決定相,但以眾因緣生,故說。……

諸菩薩摩訶薩・觀擇眼入・色入・如是,耳聲、鼻香、舌味、身觸,亦如是。

《佛說堅固女經》,隋·那連提耶舍(Narendrayaśas)譯, T. 574, vol. 14, p. 948a. 時, 堅固女白佛言:「世尊!若佛菩提,非過去得、非現在得、非未來得者,云何世尊說有過去、現在、未來三世諸佛?」

佛言:「如是,如是。佛,非<u>過去得</u>,非<u>現在得</u>,非<u>未來得</u>。所以說,有<u>過去、</u> <u>未來、現在諸佛者</u>,此但假名,說有三世,非謂,諸佛有去、來、今。」

《勝思惟梵天所問經》,元魏·菩提流支(Bodhiruci)譯,T. 587, vol. 15, pp. 87b-88a. 爾時,文殊師利法王子白佛言:「世尊!如我解佛所說法義:若有人發菩提願者,是為邪願。何以故?一切諸法,若<u>有所得</u>,悉皆是<u>邪</u>。若有人·計·有得菩提·而發願者,如是之人·諸所作行,皆為邪行。何以故?以彼<u>菩提,不住欲界,不住色界</u>,亦復<u>不住無色界</u>故。若彼菩提無有住處,不應發願。世尊!譬如·有人願·得虛空,彼人寧有得虛空不?」

佛言:「不也。」

「如是,世尊!菩薩亦爾,發·虛空相·菩提之願,當知·即是發虛空願。是菩提,無願,<u>出過三世</u>,非是受相。若菩薩·起於二相·發菩提心,作如是念:異彼生死,而有菩提;異彼菩提,而有涅槃。然,彼菩薩,非菩提行。」

爾時,勝思惟梵天問文殊師利法王子言:「文殊師利!云何菩薩摩訶薩<u>行菩提行</u>?」答言:「梵天!若菩薩<u>行一切法</u>,而<u>於諸法</u>.無所行者,是為菩薩行菩提行。何以故?梵天!<u>過</u>.諸所行,是名.菩薩行菩提行。」

又復,問言:「文殊師利!云何·菩薩行·過·諸所行,是·行菩提行?」

答言:「梵天!<u>遠離一切諸攀緣相</u>,離於眼耳鼻舌身意諸緣之相,是名‧菩薩<u>出</u> 過一切諸境界行。」

又復,問言:「文殊師利!言出過者,以何意故,如是說耶?」

答言:「梵天!不過·平等。何以故?梵天!諸法平等,即是菩提。」

又復、問言:「云何・菩薩・起・菩提願?」

答言:「梵天!當如·彼菩提。」

又復,問言:「云何菩提?」

答言:「梵天!<u>菩提</u>者,<u>非過去、非未來、非現在</u>。是故,菩薩<u>三世清淨觀</u>,起菩提願。梵天!如:<u>過去、未來、現在:諸法</u>,本來<u>不生</u>。若本不生,則<u>無修行</u>。如是起願,彼人:<u>無有處所</u>:發願。何以故?如是發願:行菩提行,得一切種·一切智智。」

又復,問言:「何義名為一切智智?」

答言:「梵天!一切悉知,是故說為,一切智智。」

又復,問言:「以何等法,是一切智?」

答言:「梵天!無·別異相。以何等處,無眾生相?如·彼眾生,如是而知,是 故名為·無別異相。」

《力莊嚴三昧經》,隋·那連提耶舍(Narendrayaśas)譯,T. 647, vol. 15, p. 716c. 復次,智輪大海辯才童子!如來知·一切眾生自在生故,一切法亦自在生;一切法因緣自生故,一切眾生亦因緣自生。此如來智。何以故?<u>一切眾生</u>,非自作、非過去、現在、及以當來,推求不得。何以故?<u>作者</u>,無故。無作者故,一切眾生,過去世空、現在世空、當來亦空。眾生如是·無作者故,一切法,亦如是·無過去、當來、及現·作者。何以故?作者,悉無。若有說言:『<u>有作者</u>』者,當知是人、<u>虛誑妄語</u>。智輪童子!當知·此名·如來自在智。是智因緣故,一切行業所趣,如來實知。

《佛說華手經·求法品第二十》,姚秦·鳩摩羅什(Kumārajīva)譯,T. 657, vol. 16, p. 172a.

舍利弗!如來慧者,正覺究盡,無有錯謬,故名佛慧。是佛智慧,無邊、無量, 阿僧祇劫,求之,乃得,故名為覺。

舍利弗!何故如來·名為覺者?一切眾生,長寢生死,若過、若沒,不能通達。 唯有菩薩,獨能覺悟,故名覺者。

又,舍利弗!正覺·諸法,故名覺者。云何<u>正覺</u>?知·<u>一切法</u>·非法、非非法, 非垢、非淨,亦<u>非過去、未來、現在</u>,隨順是相,故名覺者。亦覺·無·法若生、 若滅、若來、若去,故名覺者。

《金光明最勝王經·最淨地陀羅尼品第六》, 唐·義淨譯, T. 665, vol. 16, pp. 417c-418a.

爾時,師子相無礙光焰菩薩,與無量億眾,從座而起,偏袒右扃,右膝著地,合掌恭敬,頂禮佛足,以種種花、香、寶幢、幡、蓋,而供養已,白佛言:「世尊!以幾因緣,得菩提心?何者是菩提心?世尊!即於菩提,現在心·不可得,未來心·不可得,過去心·不可得。離於菩提,菩提心·亦不可得。菩提者,不可言說;心,亦無色、無相,無有事業,非可造作;眾生,亦不可得,亦不可知。世尊!云何諸法甚深之義·而可得知?」

佛言:「善男子!如是,如是。菩提,微妙,事業、造作·皆不可得。若離菩提,菩提心·亦不可得。菩提者,不可說;心,亦不可說,無色·相,無事業;一切眾生,亦不可得。何以故?菩提及心,同<u>真如</u>故;能證、所證,皆<u>平等</u>故;非·無諸法而可了知。善男子!菩薩摩訶薩如是知者,乃得名為<u>通達諸法</u>,善說菩提及菩提心。<u>菩提心</u>者,非過去,非未來,非現在。心,亦如是;眾生,亦如是,於中,二相·實不可得。何以故?以一切法,皆無生故。菩提,不可得;菩提名,亦不可得;眾生、眾生名,不可得;聲聞、聲聞名,不可得;獨覺、獨覺名,不可得;菩薩、菩薩名,不可得;佛、佛名,不可得;行、非行,不可得;行、非行名,不可得。以<u>不可得</u>故,於一切寂靜法</u>中,而得安住;此,依一切功德善根,而得生起。」

《金光明最勝王經·無染著陀羅尼品第十三》, 唐·義淨譯, T. 665, vol. 16, pp. 432c-433a.

爾時,世尊告具壽舍利子:「今有法門,名<u>無染著陀羅尼</u>,是諸菩薩所修行法,過去菩薩之所受持,是菩薩母。」

說是語已,具壽舍利子白佛言:「世尊!陀羅尼者,是何句義?世尊!<u>陀羅尼</u>者, 非方處、非非方處。」

作是語已,佛告舍利子:「善哉,善哉。舍利子!汝於<u>大乘</u>·已能發起,信解大乘,尊重大乘。如·汝所說,<u>陀羅尼</u>者,<u>非方處、非非方處</u>,<u>非法、非非法</u>,<u>非過去、非未來、非現在</u>,非事、非非事,非緣、非非緣,非行、非非行,無有法生,亦無法滅。然,為利益諸菩薩故,作如是說。於此陀羅尼·功用·正道·理趣·勢力·安立,即是諸佛功德、諸佛禁戒、諸佛所學、諸佛祕意、諸佛生處故,名無染著陀羅尼·最妙法門。」

《佛說大乘不思議神通境界經》,宋·施護(Dānapāla)譯,T. 843, vol. 17, p. 923a-c. 妙吉祥菩薩言:「汝今隨順·往彼·供養如來。」

慈氏菩薩言:「不也。妙吉祥!非·我所供養如來。何以故?無有·如來能供養者。如來,即是<u>真如法</u>。真如法中,<u>無有二相</u>。真如法者,即是如來。」 妙吉祥菩薩問言:「即此無二相,汝當云何說?」 慈氏答言:「妙吉祥!煩惱·一性及種種性,此說為二。若了·一性即種種,是 無二法。

若起分別·此是煩惱、此出世間,作是見者,即為二相。又,若分別·此是持戒、此非持戒;此聲聞法、此緣覺法;此是布施、此非布施;此是正道、此是邪道;此是須陀洹、斯陀含、阿那含、阿羅漢,此是緣覺、此是菩薩、此是如來·應供·正等正覺;此法斷滅、此法有想;此法決定、此不決定;此法是智所知、此法為識所識;此證覺道、此涅盤道——作如是等·有分別者,皆為二相。於二相中,隨識所轉;若能不起如是等相,是無二法。妙吉祥!若我以劫·或以劫盡,說是無二法,假使辯才智慧,說不能盡,亦復不能知其邊際。何以故?彼一切法,離種種性,若中、若邊、皆不可見,亦不可得。」

妙吉祥菩薩言:「大哉。慈氏!汝已證得無生法忍,故作是說。如是,如是。假使若我以劫,或以劫盡,說是無二法,亦非辯才智慧說所能盡。」

慈氏菩薩言:「妙吉祥!莫於<u>文字</u>而生<u>有</u>想。彼一切法,<u>離諸文字</u>,是無生相,亦無所動。」

爾時,妙吉祥菩薩,普告彼佛剎中諸菩薩言:「善男子!汝等今者,宜共往彼世尊釋迦牟尼佛剎中,瞻禮彼佛,及見百·千·俱胝·那庾多·諸菩薩眾,隨喜聽受不思議境界正法。」

爾時,有菩薩,名·辯積幢王,白妙吉祥菩薩言:「如來,無有可能見者,何故今言·令我等往見佛如來?何等如來是可見者?復以何義·說名如來?何以故?如來,<u>非過去、未來、現在·可得</u>。彼一切法,亦<u>非三世</u>,皆悉空故。於空法中,無能見者。如·妙吉祥菩薩所言:『如來有所見』者,今云何見彼佛如來?為以何眼·可觀察耶?若以肉眼,而能觀者,肉眼即空;於空性中,而無所見。若以天眼,觀如來者,天眼亦復是<u>有得想</u>。若非·眼所觀,何名為見?是故,我等今不能往。」

妙吉祥菩薩言:「善男子!汝今若住·<u>不平等法</u>·作是說者,於佛如來,即不能見,亦非供養;汝今若住·<u>無所著相</u>·如實說者,於佛如來,即有所見,亦有所往,亦可供養,<u>不著</u>一切文字相故,亦復<u>不離</u>諸文字相。彼<u>自性空</u>,是故,我於<u>平等法</u>中,作如是說:『諸佛如來,本清淨故。如來,亦復無所動轉。』汝等今者,若住忍意,應當往彼;若住非忍意,亦當往彼。」

是時,妙吉祥菩薩,如是重復為諸菩薩方便宣說;彼菩薩眾,以佛威神力故,即 於諸法,得無所住。

《守護國界主陀羅尼經·入如來大悲不思議品第四》, 唐·般若(Prajña)、牟尼室利(Muniśrī)譯, T. 997, vol. 19, pp. 539c-540a.

復次、善男子!菩提、無相、亦無觀察。云何無相?所謂・眼識不可得故。云何

名為無有觀察?眼識,於色·無分別故。如是,耳識不可得故,名為無相。耳識,於聲·不分別故,名無觀察。鼻識不可得故,名為無相。鼻識,於香·不分別故,名無觀察。舌識不可得故,名為無相。舌識,於味·不分別故,名無觀察。身識不可得故,名為無相。身識,於觸·不分別故,名無觀察。意識不可得故,名為無相。意識,於法·不分別故,名無觀察。如是·無相、無有觀察,是聖者境,出過三界故,非凡小之所能知;為欲令其如實知覺,是故,如來於諸眾生,大悲隨轉。

復次,善男子!菩提,<u>非過去、非現在、非未來</u>故,<u>三際平等</u>。斷絕三輪。云何名為斷絕三輪?於彼<u>過去</u>,心不起故。於彼<u>未來</u>,識不行故。於此<u>現在</u>,意不作故。此心.意.識,無有住處。云何名為<u>三際平等</u>?<u>過去</u>之事,不可思量。<u>未來</u>之識,不可宣示。<u>現在</u>之意,不可說故。如是.甚深<u>三際平等</u>、<u>三輪清淨</u>,眾生不知;為欲令其如實覺悟,是故,如來於諸眾生,大悲隨轉。

第7週2016/10/28〔單元主題〕:〔遍一切時空〕、〔過去際、未來際、現在際〕 〔遍一切時空〕

《大般若波羅蜜多經·第八會》,唐·玄奘譯,T. 220 (8), vol. 7, p. 975a. 參閱: Edward Conze (tr.), "The Questions of Nāgaśrī," *Perfect Wisdom: The Short Prajñāpāramitā Texts*, Totnes: Buddhist Publishing Group, 1993, pp. 160-164.

龍吉祥言:「菩提何謂?」

妙吉祥曰:「言<u>菩提</u>者,<u>遍諸時、處、一切法中</u>。譬如<u>虚空</u>都無障礙,於<u>時、</u> <u>處、法</u>,無所不在;菩提亦爾,無障礙故,遍在一切時、處、法中。」

《大方廣佛華嚴經·金剛幢菩薩十迴向品第二十一》,東晉·佛馱跋陀羅(Buddhabhadra)譯, T. 278, vol. 9, pp. 528c-529c.

菩薩摩訶薩復作是念:「以此無縛、無著·解脫心·善根,出生普賢微妙音聲, 充滿法界;十方佛剎隨其所應,皆悉得聞。

以此普賢·無縛、無著·解脫心·善根,如普賢,於念念中,見<u>盡過去際·無量、</u> 無邊世界諸佛;聞所說法,受持不忘,莊嚴佛家。

以此無縛、無著·解脫心·善根,如普賢,<u>盡未來劫,於一切世界中</u>,演說諸法, 皆悉究竟。

以此無縛、無著·解脫心·善根,<u>於一切世界</u>,成最正覺,出興于世。...... 以此無縛、無著·解脫心·善根,悉得究竟如來智慧,<u>於一切劫</u>,說如來智;<u>諸</u> 劫悉盡,而智無窮盡,具足普賢菩薩所行。.....

以此無縛、無著·解脫心·善根,<u>從此生,盡未來際生</u>,具足普賢菩薩所行,及一切種智·離癡法王。......

以此無縛、無著·解脫心·善根,悉能分別一切佛剎、一切眾生、一切諸法、一切莊嚴;其心清淨,出生一切如來法藏,究竟一切智,善能隨順普賢所行。……以此無縛、無著·解脫心·善根,得一切菩薩神力:住持無量身神力;無量智慧境界神力;<u>不離一處,悉能示現一切佛剎</u>神力;菩薩無礙·不可制持·自在神力;示現<u>攝取一切佛剎</u>,安置一處。自在神力;<u>一身充滿一切佛剎</u>。自在神力;菩薩無礙解脫·自在神力;少方便一念·自在神力;依無所有·自在神力;以一毛·悉縛無量世界,悉持遊行法界等。佛剎,示現眾生,令得究竟妙智慧門·自在神力,修習普賢菩薩所行。

以此無縛、無著·解脫心·善根,於<u>一念</u>頃,悉能往詣<u>無量佛剎</u>;於<u>一身</u>中,悉 能容受<u>無量佛剎</u>;逮得甚深微妙智地,善能分別諸佛世界,得無生心,悉入普賢 菩薩法門,生菩薩行。......

以此無縛、無著·解脫心·善根,於一毛道,分別無量無數佛剎,悉能包容<u>一切</u> <u>法界</u>,究竟空界;如一毛道,一切法界、虚空界等·一切毛道,亦復如是,以普 賢菩薩清淨法門,開智慧眼。

以此無縛、無著·解脫心·善根,能以無量、無數、阿僧祇<u>劫</u>·以為<u>一念</u>;能以一切眾生諸念,以為一念;此諸方便,皆由普賢菩薩深心究竟。......

以此無縛、無著·解脫心·善根,入<u>一切世界</u>,入翻覆世界,入伏世界;於<u>一念</u>中,悉能遍入<u>十方世界一切佛刹</u>,分別·因那網·世界,分別一切平等法界;令 <u>雜世界</u>,悉為<u>一形</u>;無量<u>種種世界</u>,無量方便·入深<u>法界</u>,皆如<u>虚空</u>,而亦不壞 世界之性,修普賢行,住菩薩地。……」

《大方廣佛華嚴經·入不思議解脫境界普賢行願品》,唐·般若(Prajña)譯,T. 293, vol. 10, pp. 662c-663a. 參閱:《大方廣佛華嚴經·入法界品第三十四》,東晉·佛馱跋陀羅(Buddhabhadra)譯,T. 278, vol. 9, p. 677b; 《大方廣佛華嚴經·入法界品第三十四》,東晉·佛馱跋陀羅(Buddhabhadra)譯,T. 278, vol. 9, p. 677b; 《大方廣佛華嚴經·入法界品第三十九》,唐·實叉難陀(Śikṣānanda)譯,T. 279, vol. 10, p. 320b-c.何以故?如來所種清淨善根·不思議故,如來所成白淨法聚·不思議故,如來威力祕密加持·不思議故,如來神變·能以一身普遍一切諸佛世界·不思議故,如來能於一種微塵中·普現一切差別世界·不思議故,如來能於一一毛端·現過去際一切諸佛出興次第·不思議故,如來能於一一毛孔·放大光明·一光明·悉能顯照一切世界·不思議故,如來能於一一毛孔·出一切佛剎·極微塵數·變化雲·充滿一切諸佛剎土·不思議故,如來能於一一毛孔·普現十方一切世界·成、住、壞劫·不思議故。如,於此·逝多林·給孤獨園,見佛國土·清淨·莊嚴,如是,十方盡法界、虛空界、一切世界,亦如是見。

《文殊師利問經·無我品第四》,梁·僧伽婆羅(Saṃhavarman; Saṅghapāla)譯, T. 468, vol. 14, p. 494b-c.

文殊師利白佛言:「世尊!未來,眾生當說·有我遍一切處。何以故?一切行故。 出過三世,苦、樂、瞋、愛,悉是我相。世尊!外道計我,其意如是。」 佛告文殊師利:「譬如・<u>磁石</u>,吸一切<u>鐵屑</u>;為・鐵屑是我?磁石是我?若汝當 說:『鐵屑非我,磁石非我。』是則非遍。若磁石、鐵屑・悉是我者,云何以我 而自吸我,又亦不遍。何以故?<u>自吸其身</u>故。所有<u>色</u>,一切是四大,一切無常。 若無常,不真實。若不真實,不諦。若不諦,無處。無處,故<u>無我</u>。文殊師利! 猶如・<u>老人</u>於夜中坐,自捉<u>兩膝</u>,說如是言:『那得有此兩小兒耶?』若此<u>老人</u>. 身中有我,云何不識<u>自膝</u>,謂是小兒?以是事故,實無有我;是邪見人,於無處・ 横執。譬如・見<u>焰</u>,而生水想;實無有水,以眼亂故。如是,<u>非我</u>,横生我想, 是闇惑邪見,非正見也。

若我·遍一切處,則遍行五道。人、天,是樂;地獄、餓鬼、畜生,是苦。若我遍一切處,我受地獄苦,則人、天亦應苦。樂者,由善業得;苦者,由惡業得。樂者,生染;苦者,生瞋。或有勇健,或有怖畏,如是異相,故知·不遍。我不說·此是真實思惟。若我·過三世者;過去,已沒,如燈已滅;未來,未到,如未來燈;現在,不停,猶如流水。我,非過去、非未來、非現在,無時節。何以故?過時節故。

若無時,則無數。以無數故,亦無有我。何以故?以可分故。」

## [過去際、未來際、現在際]

《大薩遮尼乾子所說經·如來無過功德品第八》,元魏·菩提留支(Bodhiruci) 譯,T. 272 (9), vol. 11, pp. 351c-352b.

王言:「大師!何者如來神通智行?」

答言:「大王!沙門瞿曇神通行有六種:一者,天眼通;二者,天耳通;三者, 他心通;四者,宿命通;五者,如意通;六者,漏盡通。......

大王!當知沙門瞿曇所有宿命神通智行,念知過去一生、二生,乃至十生、百生、千生、無量百生、無量千生、無量百千生,及天地成壞、無量世界成、無量世界壞、無量成壞世界、無量成壞劫;知諸眾生於是中生、如是種姓、如是名字、如是色像、如是壽命、如是受苦、如是受樂、如是住處、如是衣服、飲食,於是中死・還是中生,於彼中死・還彼中生,死此生彼、死彼生此,盡過去際・悉知無餘。又知過去・盡過去際・所有諸佛,如是眷屬、父母、妻子、兄弟、姊妹,從初發心,出家求道,修集願行,供養諸佛,教化調伏一切眾生,坐菩提樹,成等正覺,如是名號、如是住處、如是勝坐、如是聲聞、如是侍者、如是天、如是人、如是大眾、如是外道、如是說法、如是度眾生、如是壽命、如是滅度、如是正法住、如是像法住,悉能念知。何以故?安住大悲,善解作業故;是智無惱,安住

禪定故;是智無畏,善攝智慧故:是智自然,不從他求·現得善知故;是智正憶, 畢竟不失故;是智功德,究竟大乘故;是智善根,從波羅蜜生,到彼岸故。是名 知宿命神通智行。

《大方廣佛華嚴經·十明品第二十三》, 東晉·佛馱跋陀羅 (Buddhabhadra ) 譯, T. 278, vol. 9, p. 578a-b.

佛子!菩薩摩訶薩悉知無量、無數、不可說·不可說·佛剎·微塵數·世界·眾生,<u>死此生彼</u>;善、惡諸趣;若好,若醜;若垢,若淨;若黑,若白。如是等無量種種眾生:天、龍、夜叉、乾闥婆、阿脩羅、迦樓羅、緊那羅、摩睺羅伽、人、非人、微細眾生、小眾生、中眾生、大眾生、勝眾生,如是等無量種種眾生,死此生彼。菩薩摩訶薩以無障礙、明淨·天眼,悉能照見隨其業報所受苦樂,種種業、種種行、種種思願、種種見;如業境界,如所迴轉,悉能覩見。佛子!是為菩薩摩訶薩第二無礙天眼智明。

佛子!菩薩摩訶薩憶<u>宿命事</u>,或自、或他,<u>悉能憶念</u>無量、無數、不可說·不可說·佛刹·微塵數·世界·眾生,<u>過去無量、無數、不可說·不可說·佛刹·微塵數·劫</u>·事:如是生,如是名姓,如是食,如是苦樂,悉能了知。又憶過去無量、無數、不可說·不可說·佛剎·微塵數·諸佛·如是名號,如是眷屬,如是父母,如是侍者,如是聲聞,如是最勝二大弟子,如是捨離王都、出家求道,如是菩提樹下結跏趺坐、得最正覺,如是住處,如是床座,如是說法,如是化度,如是壽命,如是作佛事已,入無餘涅槃,佛滅度後·正法如是久住;悉能憶念過去無量、無數、不可說·不可說·佛剎·微塵數·佛從初發心出生願行,恭敬供養無量諸佛,教化調伏一切眾生,大眾眷屬,轉淨法輪,隨其壽命,示現神力自在變化,無餘涅槃,莊嚴塔廟,長養善根,乃至法住。佛子!是為菩薩摩訶薩第三深入過去際劫無礙宿命智明。

《大方廣佛華嚴經·十通品第二十八》,唐·實叉難陀(Śikṣānanda)譯, T. 279, vol. 10, pp. 229c-232a.

爾時,普賢菩薩摩訶薩告諸菩薩言:「佛子!菩薩摩訶薩有十種通。何者為十?佛子!菩薩摩訶薩以他心智通,知一三千大千世界·眾生心差別,所謂:......佛子!菩薩摩訶薩以無礙清淨天眼智通,見無量、不可說·不可說·佛剎·微塵數·世界中眾生,死此生彼,善趣、惡趣,福相、罪相,或好或醜,或垢或淨。如是品類無量眾生,所謂:天眾、龍眾、夜叉眾、乾闥婆眾、阿脩羅眾、迦樓羅眾、緊那羅眾、摩睺羅伽眾、人眾、非人眾、微細身眾生眾、廣大身眾生眾、小眾、大眾,如是種種眾生眾中,以無礙眼,悉皆明見。隨所積集業、隨所受苦樂、隨心、隨分別、隨見、隨言說、隨因、隨業、隨所緣、隨所起,悉皆見之,無有

錯謬。是名:菩薩摩訶薩第二無礙天眼智神通。

佛子!菩薩摩訶薩以宿住隨念智通,能知自身及不可說·不可說、佛剎·微塵數·世界中一切眾生,過去不可說·不可說·佛剎·微塵數劫·宿住之事。所謂:某處生,如是名,如是姓,如是種族,如是飲食,如是苦樂。從無始來,於諸有中,以因、以緣,展轉滋長,次第相續,輪迴不絕;種種品類、種種國土、種種趣生、種種形相、種種業行、種種結使、種種心念、種種因緣、受生差別,如是等事,皆悉了知。又憶過去爾所佛剎·微塵數·劫,爾所佛剎·微塵數·世界中,有爾所佛剎·微塵數·諸佛;一一佛,如是名號,如是出興,如是眾會,如是父母,如是侍者,如是聲聞,如是最勝二大弟子,於如是城邑,如是出家,復於如是菩提樹下成最正覺,於如是處,坐如是座,演說如是若干經典,如是利益爾所眾生,於爾所時·住於壽命,施作如是若干佛事,依無餘依般涅槃界而般涅槃,般涅槃後·法住久近,如是一切,悉能憶念。又憶念不可說·不可說·佛剎·微塵數·諸佛名號;一一名號,有不可說·不可說·佛剎·微塵數·佛,從初發心,起願修行,供養諸佛,調伏眾生,眾會說法,壽命多少,神通變化,乃至入於無餘涅槃,般涅槃後·法住久近,造立塔廟·種種莊嚴,令諸眾生種植善根,皆悉能知。是名:菩薩摩訶薩第三知過去際劫宿住智神通。

佛子!菩薩摩訶薩以<u>知·盡未來際劫·智通</u>,知不可說·不可說·佛剎·微塵數·世界中·所有劫,一一劫中·所有眾生,命終·受生,諸有相續,業行果報,若善,若不善,若出離,若不出離,若決定,若不決定,若邪定,若正定,若善根·與使俱,若善根·不與使俱,若具足善根,若不具足善根,若攝取善根,若不攝取善根,若積集善根,若不積集書根,若積集罪法,若不積集罪法,如是一切,皆能了知。又知不可說·不可說·佛剎·微塵數·世界,盡未來際·有不可說·不可說·佛剎·微塵數·訪佛和·微塵數·訪佛和·微塵數·諸佛名號;一一名號,有不可說·不可說·佛剎·微塵數·諸佛如來;一一如來,從初發心,起願立行,供養諸佛,教化眾生,眾會說法,壽命多少,神通變化,乃至入於無餘涅槃,般涅槃後·法住久近,造立塔廟種種莊嚴,令諸眾生種植善根,如是等事,悉能了知。是名:菩薩摩訶薩第四知盡未來際劫智神通。

佛子!菩薩摩訶薩成就無礙清淨天耳,圓滿廣大,聰徹離障,了達無礙,具足成就,於諸一切所有音聲,欲聞、不聞,隨意自在。.....

佛子!菩薩摩訶薩住無體性神通、無作神通、平等神通、廣大神通、無量神通、無依神通、隨念神通、起神通、不起神通、不退神通、不斷神通、不壞神通、增長神通、隨詣神通。此菩薩・聞極遠一切世界中・諸佛名,所謂:無數世界、無量世界、乃至不可說・不可說・佛剎・微塵數・世界中・諸佛名;<u>聞其名已,即自見身・在彼佛所</u>。彼諸世界,或仰或覆,各各形狀,各各方所,各各差別,無邊無礙;種種國土,種種時劫,無量功德・各別莊嚴。彼彼如來・於中出現,示

現神變,稱揚名號,無量、無數,各各不同。此菩薩,一得聞·彼諸如來名,不動本處,而見其身在彼佛所,禮拜、尊重,承事、供養,問菩薩法,入佛智慧,悉能了達諸佛國土·道場眾會·及所說法,至於究竟,無所取著。如是,經不可說·不可說·佛剎·微塵數·劫,普至十方,而無所往,然詣佛剎、觀佛、聽法、請道,無有斷絕,無有廢捨,無有休息,無有疲厭;修菩薩行,成就大願,悉令具足,曾無退轉,為令如來廣大種性不斷絕故。是名:菩薩摩訶薩第六住無體性·無動作·往一切佛剎·智·神通。

佛子!菩薩摩訶薩以善分別一切眾生言音智通,知不可說·不可說·佛剎·微塵數·世界中·眾生種種言辭。所謂:.....

佛子!菩薩摩訶薩以出生無量、阿僧祇·色身莊嚴·智通,知一切法遠離色相, 無差別相,無種種相,無無量相,無分別相,無青、黃、赤、白相。菩薩如是入 於法界,能現其身,作種種色。所謂:無邊色、無量色、清淨色、莊嚴色、普遍 色、無比色、普照色、增上色、無違逆色、具諸相色、離眾惡色、大威力色、可 尊重色、無窮盡色、眾雜妙色、極端嚴色、不可量色、善守護色、能成熟色、隨 化者色、無障礙色、甚明徹色、無垢濁色、極澄淨色、大勇健色、不思議方便色、 不可壞色、離瑕翳色、無障闇色、善安住色、妙莊嚴色、諸相端嚴色、種種隨好 色、大尊貴色、妙境界色、善磨瑩色、清淨深心色、熾然明盛色、最勝廣大色、 無間斷色、無所依色、無等比色、充滿不可說佛剎色、增長色、堅固攝受色、最 勝功德色、隨諸心樂色、清淨解了色、積集眾妙色、善巧決定色、無有障礙色、 虚空明淨色、清淨可樂色、離諸塵垢色、不可稱量色、妙見色、普見色、隨時示 現色、寂靜色、離貪色、真實福田色、能作安隱色、離諸怖畏色、離愚癡行色、 智慧勇猛色、身相無礙色、遊行普遍色、心無所依色、大慈所起色、大悲所現色、 平等出離色、具足福德色、隨心憶念色、無邊妙寶色、寶藏光明色、眾生信樂色、 一切智現前色、歡喜眼色、眾寶莊嚴第一色、無有處所色、自在示現色、種種神 通色、生如來家色、過諸譬諭色、周遍法界色、眾皆往詣色、種種色、成就色、 出離色、隨所化者威儀色、見無厭足色、種種明淨色、能放無數光網色、不可說 光明種種差別色、不可思香光明超過三界色、不可量日輪光明照耀色、示現無比 月身色、無量可愛樂華雲色、出生種種蓮華鬘雲莊嚴色、超過一切世間香焰普熏 色、出生一切如來藏色、不可說音聲開示演暢一切法色、具足一切普賢行色。佛 子!菩薩摩訶薩深入如是無色法界,能現此等種種色身,令所化者見,令所化者 念,為所化者轉法輪;隨所化者・時,隨所化者・相,令所化者親近,令所化者 開悟,為所化者·起種種神通,為所化者·現種種自在,為所化者·施種種能事。 是名:菩薩摩訶薩為度一切眾生故‧勤修成就第八‧無數色身‧智神通。

佛子!菩薩摩訶薩以·一切法·智通,知一切法·無有名字、無有種性,<u>無來、</u> <u>無去</u>,非異、非不異,非種種、非不種種,非二、非不二,無我、無比,<u>不生、</u> 不滅,不動、不壞,無實、無虛,一相、無相,非無、非有,非法、非非法,不 隨於俗、非不隨俗,非業、非非業,非報、非非報,非有為、非無為,非第一義、 非不第一義,非道、非非道,非出離、非不出離,非量、非無量,<u>非世間、非出</u> 世間,非從因生、非不從因生,非決定、非不決定,非成就、非不成就,非出、 非不出,非分別、非不分別,非如理、非不如理。此菩薩不取世俗諦,不住第一 義,不分別諸法,不建立文字,隨順寂滅性,不捨一切願,見義、知法,興布法 雲,降霆法雨。雖知實相不可言說,而以方便,無盡辯才,隨法、隨義,次第開 演;......是名:菩薩摩訶薩第九,一切法,智神通。

佛子!菩薩摩訶薩以一切法·滅盡三昧·智通,於念念中,入一切法滅盡三昧,亦不退菩薩道,不捨菩薩事,不捨大慈·大悲心,修習波羅蜜·未嘗休息,觀察一切佛國土·無有厭倦,不捨度眾生願,不斷轉法輪事,不廢教化眾生業,不捨供養諸佛行,不捨一切法自在門,不捨常見一切佛,不捨常聞一切法;知一切法平等無礙,自在成就一切佛法,所有勝願·皆得圓滿,了知一切國土差別,入佛種性·到於彼岸;能於彼彼諸世界中,學一切法,了法無相,知一切法皆從緣起,無有體性,然隨世俗·方便演說;雖於諸法心無所住,然順眾生諸根·欲樂,方便為說種種諸法。此菩薩住三昧時,隨其心樂,或住一劫,或住百劫,或住千劫,或住億劫,或住百億劫,或住千億劫,或住百·千億劫,或住百七,那由他·億劫,或住百.那由他·億劫,或住五十一切法,滅強在五十一一切法,或往無量劫,乃至或住不可說,不可說劫。菩薩入此·一切法,滅盡三昧,雖復經於爾所劫住,而身不離散、不羸瘦、不變異,非見·非不見,不滅不壞,不疲・不懈,不可盡竭。……

《大方廣佛華嚴經·入不思議解脫境界普賢行願品》, 唐·般若(Prajña)譯, T. 293, vol. 10, pp. 687b-688a.

善男子!我見如是十佛世尊·而為上首,如是乃至見於十方各十佛剎·極微塵數·諸佛·如來·應·正等覺·道場眾會之所圍遶,——皆有上首菩薩·并諸眷屬, 分明顯現;然彼一切世界如來·不來至此,我身亦不往詣於彼。

善男子!我若欲見安樂世界·無量壽如來,隨意即見。我若欲見白栴檀香世界· 月智如來、妙香世界·寶光明如來、蓮華世界·寶蓮華光明如來、妙金光世界· 寂靜光如來、妙喜世界·不動如來、善住世界·師子相如來、鏡光明世界·月覺 如來、吉祥師子寶莊嚴世界·毘盧遮那如來,如是十方一切世界·所有如來,我 若欲見,隨意即見;然彼如來·不來至此,我不往彼。

善男子!我若欲<u>見·盡過去際一切劫中</u>·所有諸佛·及彼佛剎種種莊嚴道場眾會,神通變化,調伏眾生;<u>盡未來際一切劫海</u>,所有如來·及諸菩薩莊嚴國土眾會道場,調伏眾生,神通變化;如是一切,隨念皆見。彼諸如來·及彼諸劫,一切佛

刹所有莊嚴,種種差別,不來至今,我心亦不入彼過、未;然其所見,皆如現在。善男子!我能了知十方・三世・一切如來・及諸菩薩・國土莊嚴、神通等事,無所從來,亦無所去,無有行處,亦無住處,亦知己身・無去、無來,無行・住處。所以者何?知一切佛・及與我心・皆如夢故。如夢所見,從分別生。見一切佛・從自心起。又知自心・如器中水,悟解諸法・如水中影。又知自心・猶如幻術,知一切法・如幻所作。又知自心・諸佛菩薩・悉皆如響。譬如空谷,隨聲發響,悟解自心・隨念見佛。我如是知,如是憶念,所見諸佛皆由自心。善男子!當知菩薩修諸佛法,淨諸佛剎,積集妙行,調伏眾生,發大誓願,入一切智,自在遊戲不可思議解脫法門,得佛菩提,現大神通,遍往十方一切法界,以微細智,查入諸劫,如是一切佛菩薩法,皆由自心。

善男子!諸業虛妄,積集·名心,末那·思量,意識·分別,眼等五識,了境不同。愚癡凡夫,不能覺知,怖老病死,求入涅槃;生死涅槃·二俱不識,於一切境·妄起分別。又,由未來諸根·五塵境界·斷滅,凡愚之人,以為涅槃。諸佛菩薩自證悟時,轉阿賴耶,得本覺智。善男子!一切凡愚,述·佛方便,執有三乘,不了·三界由心所起,不知·三世一切佛法·自心現量,見外五塵·執為實有,猶如牛羊·不能覺知,生死輪中,無由出離。

善男子!佛說·諸法無生、無滅,亦無三世,何以故?如·自心現五塵境界,本無有故;有無諸法·本不生故,如兔角等;聖者自悟境界如是。善男子!愚癡凡夫,妄起分別,無中·執有,有中·執無,取·阿賴耶種種行相,墮於生滅二種見中,不了自心,而起分別。善男子!當知·自心即是一切佛菩薩法。由知自心即佛法故,則能淨一切剎,入一切劫。是故,善男子!應以善法·扶助自心,應以法兩·潤澤自心,應以妙法·治淨自心,應以精進·堅固自心,應以忍辱·卑下自心,應以禪定·清淨自心,應以智慧·明利自心,應以佛德·發起自心,應以平等・廣博自心,應以十力、四無所畏·明照自心。

《大方廣佛華嚴經·入不思議解脫境界普賢行願品》, 唐·般若(Prajña)譯, T. 293, vol. 10, p. 787b-c.

善男子!此娑婆世界,從過去際,至今現在,不可說·不可說·佛剎·極微塵數劫,所有種種差別劫海,所有眾生、佛及眾會,盡未來際·所有劫海,展轉不斷,相續次第,我皆了知。善男子!如,知此娑婆世界,亦知婆婆世界中·出生一切世界極微塵數·世界·相續次第;亦知娑婆世界內·一切世界·相續次第;亦知娑婆世界外·十方· 無間·次第·建立·所住世界·相續次第;亦知娑婆世界所依·普照十方·熾然寶光明·剎種所攝·一切世界·相續次第;亦知毘盧遮那世尊·在此華藏莊嚴世界海中·十方·無量·諸世界種所攝世界·相續次第;亦知華藏世界海中·一切

世界・極微塵内・所有世界・相續次第。

《大方廣佛華嚴經·入不思議解脫境界普賢行願品》, 唐·般若(Prajña)譯, T. 293, vol. 10, p. 840a-b.

爾時,善財童子‧見普賢菩薩如是自在神通境界,歡喜踊躍,普遍身心。重復觀 察,見普賢菩薩——身分、——肢節、——毛孔,悉有三千大千世界;其中,一 切地、水、火、風、大海、四洲、須彌、鐵圍、及眾寶山、國土、城邑、宮殿、 園苑,乃至地獄、餓鬼、畜生、閻羅王界,天龍八部,人與非人,欲界、色界、 無色界處,所有形色,日月星宿,風、雲、雷、電,晝夜、月時,及以年劫,諸 佛出世,菩薩眾會,道場莊嚴,如是等事,悉皆明見。如,見此世界,盡於東方, 種種世界,亦復如是。如,東方,南、西、北方、四維、上、下,亦復如是。如, 見現在十方世界、盡過去際、盡未來際、種種世界、相續不斷、亦如是見。各各 差別,互相涉入,不相雜亂。如,於此毘盧遮那如來,寶蓮華藏,師子座上,顯 示如是遊戲神通;於東方‧蓮華吉祥世界‧賢吉祥如來所,顯示一切遊戲神通, 亦復如是。如,賢吉祥如來所,如是,盡於東方,南、西、北方、四維、上、下・ 一切世界,亦復如是。如是,十方一切佛剎‧一一塵中,皆有法界諸佛眾會。一 一佛所,皆有普賢·坐寶蓮華·師子之座,顯示一切遊戲神通,悉亦如是。又, 於彼一一普賢身中,皆見三世一切境界,猶如明鏡‧現其影像;所謂:一切佛剎、 一切資具、一切眾生、一切佛出興、一切菩薩道場眾會;又,聞一切眾生種種音 聲、一切佛聲、一切如來轉法輪聲、一切如來遊戲神通聲、一切菩薩善誘誨聲; 一切菩薩神通境界、菩薩智通、菩薩普集、菩薩說法、菩薩遊戲・如是等聲。

《大方廣總持寶光明經》,宋·法天(Dharmadeva)譯,T. 299, vol. 10, p. 887a. 佛子!生貴住菩薩,觀過去佛法平等,恒時憶念相續不斷故;觀未來佛法平等,願當學故;觀現在佛法平等,勤修習故。觀諸佛法·如是平等,是故得過去際、未來際、現在際,於此三際·皆得值遇,如是修習,憶持·不忘一切佛法,慇懃恭敬。復觀過去佛法學,平等增長故;未來佛法·亦如是學,平等增長故;觀現佛法·亦如是學,平等增長故。佛子!此生貴住菩薩,如是觀察,趣向一切佛法,普皆平等·增長修習故。何以故?謂三世平等,最勝真實,住無虛假故;乃至聞彼他方·有如是法,親自往詣,勤求精進,心不散亂,念念相續,無有間斷。佛子!是故此名·菩薩生貴住。

《大方等大集經·虛空藏菩薩品第八》,北涼·曇無讖(Dharma-rakṣa)譯, T. 397, vol. 13, pp. 112c-113a.

爾時,生疑菩薩問虛空藏菩薩言:「希有,善男子!乃能如是發弘誓願,於此大

乘,久住生死,無疲倦耶?」

虚空藏答言:「善男子!此大地,運載諸山河、石壁、樹木、叢林、一切藥草、 百穀、苗稼,及諸眾生,有疲倦不?」

答言:「不也。大士!」

虚空藏言:「善男子!諸菩薩心,亦如大地。淳至成就故,行菩薩行,無有疲倦,亦復如是。」

虚空藏復言:「善男子!如,此大地,住於水上,此水持地,無有疲倦。諸菩薩心,亦如大水,以大悲力故,教化眾生,無有疲倦,亦復如是。」

虚空藏復言:「善男子!如,此大水,住於風上,此風持水,無有疲倦。諸菩薩心,亦如大風,以大方便力故,淨佛世界,無有疲倦,亦復如是。」

虚空藏復言:「善男子!喻如大風,住於空上,無所依止,此空持風,無所障礙、無有疲倦。諸菩薩心,亦如風、空,以般若波羅蜜力故,集一切佛法,無有懈廢、疲倦,亦復如是。所以者何?菩薩知一切法相.所以成就,無生質,無作者、無受者,因緣合成故.而有所作。所作諸法,亦無有實。本際空故,本際離故,實無成就。自性空故,無生無滅。知一切諸法.性相如是,故不見有法可生疲厭及疲厭者。所以者何?菩薩知一切法無二故,知生死性與涅槃性等,知涅槃性與一切法性等,知一切法性與無性等,故,亦不恃、不著。知一切諸法.過去際、未來際.無自性,以定力故,誓願力故,不起於定,而能現一切所作。

《大方等大集經·虛空藏菩薩品第八》,北涼·曇無讖(Dharma-rakṣa)譯, T. 397, vol. 13, p. 116b-c.

爾時,眾中,有菩薩,名曰寶德,問虛空藏菩薩言:「善男子!汝已修此.出世間聖道耶?」

虛空藏答言:「已修。」

寶德言:「云何修?」虛空藏答言:「如‧得清淨道,如是修。」

寶德問言:「云何為清淨道?」虚空藏答言:「善男子!我淨故,道淨。」

寶德問言:「云何為我淨?」虚空藏答言:「如‧世淨。」

寶德問言:「云何世淨?」

虚空藏答言:「善男子!色·<u>過去際·淨</u>。所以然者,以色<u>本際·無來</u>故。色· <u>未來際·亦淨</u>。所以然者,以色<u>未來際·無去</u>故。色·<u>現在際·亦淨</u>。所以然者, 以<u>現在</u>色·<u>無住</u>故。善男子!是為世淨</u>。受、想、行,識·過去際·淨。所以然 者,以識本際·無來故。識·未來際·亦淨。所以然者,以識未來際·無去故。 識·現在際·亦淨。所以然者,以識現在際·無住故。善男子!是為世淨。善男 子!以世中·世淨故,則我淨;以我淨故,是名道淨。」 寶德言:「善男子!如是淨道,能何所為?」

虚空藏答言:「能作大智慧光明;以此慧明力故,能知一切法過去,未來際。」

寶德復問言:「何謂過去・未來法際?」

虚空藏答言:「一切法,<u>於過去際,無生</u>;<u>於未來際,無滅</u>;是名·知過去·未來際。」

寶德復問:「若見過去・未來際者,為何所見?」

虚空藏答言:「見・二俱離。」

寶德復問:「何謂二俱離?」

虚空藏答言:「離·斷常者。善男子!若有見法生,及著法者,則是斷常見。所以然者,由有生故,則有滅;有生滅故,則有<u>斷常之見</u>。若不見,有法從自性、他性生者,則見<u>因緣</u>;若見因緣,則見<u>法</u>;若見法者,則見<u>如來</u>;若見如來者,則見如;若見如者,則不滯於斷,亦不執於常;若不常,不斷者,即無生,無滅。」

《大方等大集經·無盡意菩薩品第十二》,劉宋·智嚴、寶雲譯, T. 397, vol. 13, pp. 202c-203a.

復次,舍利弗!菩薩宿命智通,亦不可盡。云何菩薩宿命智通?是菩薩念宿命事, 若自、若他、善受憶持、安住法界、無有傾動。無傾動者、能善解了、善作業故; 是念無惱,安住禪定故;是念無畏,善攝智慧故;是念不從他求,現得善知故; 是念正憶,畢竟不失故;是念助功德,善解大乘故;是念助智,不從他具足故; 是念善根諸波羅蜜具足,能到一切佛法故。是宿命智,若念一生、二生、三生、 四生、五生、十生、二十生、三十生、四十生、五十生,乃至百生、千生、百千 生、無量百生、無量千生、無量百千生,及天地成壞,無量成世、無量壞世、無 量成壞世、無量成壞劫。知諸眾生、於是中生,如是種姓、如是名字、如是色像、 如是飲食、如是壽命・受苦樂等。於是中死,還是中生;於彼中死,還彼中生。 是菩薩·念如是等·無量生死·自念宿世及他眾生盡過去際。是菩薩·念自善根· 迴向阿耨多羅三藐三菩提;念他善根,願令發阿耨多羅三藐三菩提心。是菩薩, 以正念心,於本生死行苦,善觀無常、苦、無我。若觀無常、苦、無我者,於諸 色欲、封祿、壽命、眷屬、自在、悉無貪著、亦復不貪釋、梵、護世、轉輪聖王、 及受生處,五欲歡樂;為化眾生,故現受生。是菩薩,念於無常、苦、無我已, 過去穢行,發露懺悔;現世諸惡,乃至失命,終不為之;過去善根,欲令增廣, 迴向阿耨多羅三藐三菩提;現在善根,與眾生共,迴向阿耨多羅三藐三菩提。是 菩薩,離諸惡願,不斷三寶種故,所有善根,悉以迴向阿耨多羅三藐三菩提。舍 利弗!是名菩薩念宿命智而不可盡。

《佛說文殊師利行經》,隋·豆那掘多 (Jñānagupta)譯,T. 471, vol. 14, pp.

#### 512b-513a.

文殊尸利菩薩,復問尊者舍利弗言:「何等諸法,如來曾為諸聲聞眾,說·是寂定,汝依行也?」

舍利弗言:「仁者·文殊!有一比丘·依於過去、未來、現在諸法而行,略說, 乃至依心意等諸法如行。如·彼行法,是佛、世尊為聲聞一切諸眾,說·是寂定; 我依行也。」

文殊尸利童真菩薩,復問尊者舍利弗:「汝言:『如來曾為聲聞一切諸眾,說‧彼三世‧乃至心意;我依行』者。是事不然。何以故?即<u>彼過去,現</u>‧無如來;<u>彼</u>未來世,現‧無如來;<u>現在世</u>,無彼如來。若如是者,一切<u>諸法</u>,求‧<u>如來身</u>,皆不可得。汝今云何作如是言:『我依<u>過去、未來、現在‧諸法</u>,而行』?唯,舍利弗!<u>過去際、未來、現在際</u>,彼不為此,此不為彼,各各別異,不相為作,無有處所,亦無依住;無所住者,無有依處而可得也。復次,舍利弗!若有人言:『過去、未來、現在,於實際中,說有依處、說無依處』者,當知‧彼輩誹謗如來,獲大重罪。所以者何?彼真實際,無憶、無念,亦無墮落,無有形色,無有相狀.而可得者。唯,舍利弗!真實際中,過去、未來、現在諸法.實不可得;略說,乃至心意等法,亦不可得。離於實際,外.無一法.而可得者。是故,說言,名之為空。空故,無法,無可顯說。」

爾時,尊者舍利弗,即問文殊尸利童真菩薩言:「如來·可不住於實際·而說法耶?」

文殊尸利菩薩,即答尊者舍利弗言:「舍利弗!<u>真實際</u>中,有何<u>處所</u>·而使如來· 住於實際·說諸法乎?舍利弗!<u>法</u>,本自無,云何<u>如來</u>·住實際已·說於諸法? 非但無<u>法</u>,如來亦無。既無,云何而言·『如來住於<u>真實際</u>已,說<u>諸法</u>』耶?所 以者何?一切<u>諸法</u>,皆<u>不可得。如來</u>亦爾,實<u>不可得,所說法體</u>,亦復如是。<u>時</u> 中,不可得;非時中,不可得;時、非時中,亦不可得。如來復<u>非</u>·在說時中、 不說時中,可得顯現。所以者何?舍利弗,如來,一切言語道斷,無為、無作、 無所安置。」

《思益梵天所問經·授不退轉天子記品第十五》,姚秦·鳩摩羅什(Kumārajīva)譯, T. 586, vol. 15, p. 56a-b.

爾時,釋提桓因白佛言:「世尊!譬如,賈客主·入於寶洲,其人所見,皆是寶物。如是,成就不可思議功德者,有所樂說·皆是法寶,所樂說者·皆是<u>實際</u>。 所樂說者,於諸法中,無所貪著,不著彼、我。所樂說者,皆是真實,無有顛倒。 所樂說者,<u>過去際·空</u>,<u>未來際·不可得</u>,<u>現在際·不起見</u>。所樂說者,不信解 者·得信解者·得解脫。所樂說者,破·增上慢;無增上慢者,自說所作 已辦。所樂說者,魔不得便,所聽法者·超度魔事。所樂說者,未生善法·令生, 已生善法·令得增長。所樂說者,已生諸煩惱·令斷,未生諸煩惱·令不生。所樂說者,未大莊嚴者·令大莊嚴,已大莊嚴者·令不退轉。所樂說者,不斷滅諸法·而護佛法。世尊!以是樂說,能降伏一切外道。所以者何?一切野干·不能於師子王前·自現其身,況聞其吼。世尊!一切外道·諸論議師,不能堪忍無上師子之吼,亦復如是。」

《佛說不增不減經》,元魏·菩提留支(Bodhiruci)譯,T. 668, vol. 16, p. 467a-b. 舍利弗!此法身者,是不生、不滅法;<u>非過去際</u>,非未來際,離二邊故。舍利弗! <u>非過去際</u>者,<u>離生時</u>故;<u>非未來際</u>者,<u>離滅時</u>故。舍利弗!如來法身·常,以不 異法故,以不盡法故。舍利弗!如來法身·恆,以常可歸依故,以<u>未來際平等</u>故。 舍利弗!如來法身·清涼,以不二法故,以無分別法故。舍利弗!如來法身·不 變,以非滅法故,以非作法故。

舍利弗!即此法身,過於恆沙、無邊煩惱所纏,從<u>無始世</u>來,隨順世間波浪漂流,往來生死,名為「眾生」。

舍利弗!即此法身,厭離世間生死苦惱,棄捨一切諸有欲求,行十波羅蜜,攝八萬四千法門,修菩提行,名為「菩薩」。

復次,舍利弗!即此法身,離一切世間煩惱使纏,過一切苦,離一切煩惱垢,得淨,得清淨,住於彼岸清淨法中,到一切眾生所願之地,於一切境界中·究竟通達·更無勝者,離一切障·離一切礙·於一切法中·得自在力,名為「如來·應·正遍知」。

是故,舍利弗!不離眾生界有法身,不離法身有眾生界;眾生界即法身,法身即眾生界。舍利弗!此二法者,義一,名異。

### 第8週2016/11/04〔單元主題〕: 〔無際空〕、〔時空之平等〕

### 〔無際空〕

《大般若波羅蜜多經·第二會·眾德相品第七十六》, 唐·玄奘譯, T. 220 (2), vol. 7, pp. 369b-371b. 參閱:《大般若波羅蜜多經·第三會·妙相品第二十八》, 唐·玄奘譯, T. 220 (3), vol. 7, pp. 720a-721b; 《佛母般若波羅蜜多圓集要義釋論》, 宋·施(Dānapāla)等譯, T. 1517, vol. 25, p. 903b.

爾時,具壽善現白佛言:「世尊!若一切法無不如夢、如響、如像、如光影、如陽焰、如幻、如化,都<u>無實事</u>,無性為性,自相皆空,云何可立是善、是非善,是有記、是無記,是有漏、是無漏,是世間、是出世間,是有為、是無為,如是乃至是預流果、是能證得預流果法,是一來果、是能證得一來果法,是不還果、是能證得不還果法,是阿羅漢果、是能證得阿羅漢果法,是獨覺菩提、是能證得獨覺菩提法,是諸菩薩摩訶薩地、是能證得菩薩摩訶薩地法,是諸佛無上正等菩

提、是能證得諸佛無上正等菩提法耶?」

佛告善現:「世間·愚夫·無聞·異生,於夢,<u>得·夢</u>,<u>得·見夢者</u>,如是乃至於化,<u>得·化</u>,<u>得·見化者</u>。如是愚夫·無聞·異生,得夢,乃至得化等·已, <u>額倒·執著</u>,或造不善身、語、意行,或復造善身、語、意行,或造無記身、語、 意行,或造非福身、語、意行,或復造福身、語、意行,或造不動身、語、意行。 由諸行故,往來生死,輪轉無窮。

諸菩薩摩訶薩・行深般若波羅蜜多時,以二種空,觀察諸法。何謂二空?一,畢 <u>竟空</u>;二,<u>無際空</u>。是菩薩摩訶薩·安住如是二種空中,為諸有情·宣說正法。 謂・作是言:『汝等應知・色是空,離我、我所;受、想、行、識是空,離我、 我所。眼處是空,離我、我所;耳、鼻、舌、身、意處是空,離我、我所。色處 是空,離我、我所;聲、香、味、觸、法處是空,離我、我所。眼界是空,離我、 我所;耳、鼻、舌、身、意界是空,離我、我所。色界是空,離我、我所;聲、 香、味、觸、法界是空,離我、我所。眼識界是空,離我、我所;耳、鼻、舌、 身、意識界是空,離我、我所。眼觸是空,離我、我所;耳、鼻、舌、身、意觸 是空,離我、我所。眼觸為緣所生諸受是空,離我、我所;耳、鼻、舌、身、意 觸為緣所生諸受是空,離我、我所。地界是空,離我、我所;水、火、風、空、 識界是空,離我、我所。因緣是空,離我、我所;等無間緣是空,離我、我所; 所緣緣是空,離我、我所;增上緣是空,離我、我所。從緣所生諸法是空,離我、 我所。無明是空,離我、我所;行、識、名色、六處、觸、受、愛、取、有、生、 老死是空,離我、我所。善法是空,離我、我所;非善法是空,離我、我所。有 記法是空,離我、我所;無記法是空,離我、我所。有漏法是空,離我、我所; 無漏法是空,離我、我所。世間法是空,離我、我所;出世間法是空,離我、我 所。有為法是空,離我、我所;無為法是空,離我、我所。布施波羅蜜多乃至般 若波羅蜜多是空,離我、我所。內空乃至無性自性空是空,離我、我所。真如乃 至不思議界是空,離我、我所。苦、集、滅、道聖諦是空,離我、我所。四念住 乃至八聖道支是空,離我、我所。空、無相、無願解脫門是空,離我、我所。四 靜慮、四無量、四無色定是空,離我、我所。八解脫乃至十遍處是空,離我、我 所。淨觀地乃至如來地是空,離我、我所。極喜地乃至法雲地是空,離我、我所。 一切陀羅尼門、三摩地門是空,離我、我所。五眼、六神通是空,離我、我所。 如來十力乃至十八佛不共法是空,離我、我所。三十二大士相、八十隨好是空, 離我、我所。無忘失法、恒住捨性是空,離我、我所。一切智、道相智、一切相 智是空,離我、我所。預流果乃至獨覺菩提是空,離我、我所。一切菩薩摩訶薩 行是空,離我、我所。諸佛無上正等菩提是空,離我、我所。』

復作是言:『汝等應知·色,如<u>夢</u>乃至如<u>化</u>,都<u>無自性</u>;受、想、行、識,如夢乃至如化,都無自性。眼處,如夢乃至如化,都無自性;耳、鼻、舌、身、意處,

如夢乃至如化,都無自性。色處,如夢乃至如化,都無自性;聲、香、味、觸、 法處,如夢乃至如化,都無自性。眼界,如夢乃至如化,都無自性;耳、鼻、舌、 身、意界,如夢乃至如化,都無自性。色界,如夢乃至如化,都無自性;聲、香、 味、觸、法界,如夢乃至如化,都無自性。眼識界,如夢乃至如化,都無自性; 耳、鼻、舌、身、意識界,如夢乃至如化,都無自性。眼觸,如夢乃至如化,都 無自性;耳、鼻、舌、身、意觸,如夢乃至如化,都無自性。眼觸為緣所生諸受, 如夢乃至如化,都無自性;耳、鼻、舌、身、意觸為緣所生諸受,如夢乃至如化, 都無自性。地界,如夢乃至如化,都無自性;水、火、風、空、識界,如夢乃至 如化,都無自性。因緣,如夢乃至如化,都無自性;等無間緣、所緣緣、增上緣, 如夢乃至如化,都無自性。從緣所生諸法,如夢乃至如化,都無自性。無明,如 夢乃至如化,都無自性;行、識、名色、六處、觸、受、愛、取、有、生、老死, 如夢乃至如化,都無自性。善法,如夢乃至如化,都無自性;非善法,如夢乃至 如化,都無自性。有記法,如夢乃至如化,都無自性;無記法,如夢乃至如化, 都無自性。有漏法,如夢乃至如化,都無自性;無漏法,如夢乃至如化,都無自 性。世間法,如夢乃至如化,都無自性;出世間法,如夢乃至如化,都無自性。 有為法,如夢乃至如化,都無自性;無為法,如夢乃至如化,都無自性。布施波 羅蜜多·乃至般若波羅蜜多,如夢乃至如化,都無自性。內空·乃至無性自性空, 如夢乃至如化,都無自性。真如.乃至不思議界,如夢乃至如化,都無自性。苦、 集、滅、道聖諦,如夢乃至如化,都無自性。四念住・乃至八聖道支,如夢乃至 如化,都無自性。空、無相、無願解脫門,如夢乃至如化,都無自性。四靜慮、 四無量、四無色定,如夢乃至如化,都無自性。八解脫、八勝處、九次第定、十 |遍處,如夢乃至如化,都無自性。淨觀地‧乃至如來地,如夢乃至如化,都無自 性。極喜地·乃至法雲地,如夢乃至如化,都無自性。一切陀羅尼門、三摩地門, 如夢乃至如化,都無自性。五眼、六神通,如夢乃至如化,都無自性。如來十力, 乃至十八佛不共法,如夢乃至如化,都無自性。三十二大士相、八十隨好,如夢 乃至如化,都無自性。無忘失法、恒住捨性,如夢乃至如化,都無自性。一切智、 道相智、一切相智、如夢乃至如化、都無自性。預流果・乃至獨覺菩提、如夢乃 至如化,都無自性。一切菩薩摩訶薩行,如夢乃至如化,都無自性。諸佛無上正 等菩提,如夢乃至如化,都無自性。』

復作是言:『汝等應知·此中,無色、受、想、行、識,無眼處·乃至意處,無色處·乃至法處,無眼界·乃至意界,無色界·乃至法界,無眼識界·乃至意識界,無眼觸·乃至意觸,無眼觸為緣所生諸受·乃至意觸為緣所生諸受,無地界·乃至識界,無因緣·乃至增上緣,無從緣所生諸法,無無明·乃至老死,無善、非善法,無有記、無記法,無有漏、無漏法,無世間、出世間法,無有為、無為法,無布施波羅蜜多·乃至般若波羅蜜多,無內空·乃至無性自性空,無真如·

乃至不思議界,無苦、集、滅、道聖諦,無四念住·乃至八聖道支,無空、無相、無願解脫門,無四靜慮、四無量、四無色定,無八解脫·乃至十遍處,無淨觀地·乃至如來地,無極喜地·乃至法雲地,無一切陀羅尼門、三摩地門,無五眼、六神通,無如來十力·乃至十八佛不共法,無三十二大士相、八十隨好,無無忘失法、恒住捨性,無一切智、道相智、一切相智,無預流果·乃至獨覺菩提,無一切菩薩摩訶薩行,無諸佛無上正等菩提,無夢、無見夢者,無響、無聞響者,無像、無見像者,無光影、無見光影者,無陽焰、無見陽焰者,無幻、無見幻者,無化、無見化者。』

復作是言:『汝等應知·是一切法,皆<u>無實事</u>,<u>無性為性</u>。汝等,<u>虚妄分別力</u>故,於<u>無蘊</u>中,起<u>有蘊想</u>;於無處中,起有處想;於無界中,起有界想;於無觸中, 起有觸想;於無受中,起有受想。』

復作是言:『汝等應知·蘊、處、界等一切法性,<u>皆從緣生</u>,<u>顛倒所起</u>,<u>諸業異</u> 熟之所攝受。汝等,何因,於是虛妄無實事法,起實事想?』

菩薩,爾時,方便善巧、具大神力,若諸有情·有慳貪者,方便拔濟,令離慳貪;是諸有情,離慳貪已,教修布施波羅蜜多。是諸有情,由布施故,得大財位,富貴自在。復從是處,方便拔濟,教修淨戒波羅蜜多。是諸有情,由淨戒故,得生善善趣,尊貴自在。復從是處,方便拔濟,教修安忍波羅蜜多。是諸有情,由安忍故,速能獲得無生法忍。復從是處,方便拔濟,教修精進波羅蜜多。是諸有情,由精進故,乃至無上正等菩提,於諸善法,不復退轉。復從是處,方便拔濟,教修靜慮波羅蜜多。是諸有情,由靜慮故,得生梵世,於初靜慮。安住自在。從初靜慮,方便拔濟,復令安住第二靜慮。如是。展轉,方便拔濟,乃至令住非想非非想處定。復從是處,方便拔濟,隨其所宜,令住三乘,或令住四念住。乃至八聖道支,或令住三解脫門,或令住八解脫。乃至十遍處,或令住四聖諦,或令住亦波羅蜜多,或令住內空。乃至無性自性空,或令住真。如乃至不思議界,或令住極喜地。乃至法雲地,或令住陀羅尼門、三摩地門,或令住五眼、六神通,或令住如來十力。乃至十八佛不共法,或令住無忘失法、恒住捨性,或令住一切智、道相智、一切相智。

是菩薩摩訶薩,方便善巧,若諸有情.耽著有為布施、淨戒、安忍、精進、靜慮、般若.及餘善法.所得果報,以諸方便,安慰濟拔,令住無餘般涅槃界。是菩薩摩訶薩,行深般若波羅蜜多、方便善巧,成就無色、無見、無對、真無漏法,安住其中;若諸有情.應得預流、一來、不還、阿羅漢果、獨覺菩提、或復無上正等菩提,示現、勸導、讚勵、慶喜,方便濟拔,或令得預流果,乃至或令證得無上正等菩提。

如是,善現!諸菩薩摩訶薩,行深般若波羅蜜多,觀察<u>二空</u>,雖知諸法無不<u>如夢</u> 乃至如化,皆非實有,無性為性,自相皆空,而能安立善、非善法,廣說乃至是 能證得諸佛無上正等菩提,皆無雜亂。」

### 〔時空之平等〕

《大方廣佛華嚴經·初發心菩薩功德品第十三》,東晉·佛馱跋陀羅(Buddhabhadra) 譯, T. 278, vol. 9, p. 452b-c.

佛子!彼菩薩不為齊限·供養爾所如來故,發阿耨多羅三藐三菩提心;欲悉供養十方法界、虛空界等·世界中·三世諸佛故,發阿耨多羅三藐三菩提心。發是心已,得知盡過去際·諸佛無障礙智,得信盡未來際·諸佛功德,得知盡現在際·一切諸佛所說智慧。彼三世一切諸佛功德,此菩薩摩訶薩悉皆信向、受持、修習,得證身證,悉等諸佛一切功德。何以故?初發心菩薩摩訶薩,欲不斷一切諸佛性故,發菩提心;欲令慈悲心充滿一切世界眾生·悉無餘故;欲悉度脫一切眾生故;欲悉知一切世界成敗故;欲悉知一切世界眾生垢淨起故;欲令三有眾生悉得清淨故;欲悉知一切眾生心念煩惱習故;欲悉知一切眾生死此生彼故;欲悉知一切眾生諸佛月足功德故;欲悉知三世諸佛無上菩提故;欲悉知三世諸佛具足淨法故;欲悉知三世諸佛法平等相故;欲悉知三世諸佛無上智慧因緣清淨故;欲悉知長養三世諸佛智慧力故;欲悉具足三世諸佛無畏法故;欲悉具足莊嚴三世諸佛不共法故;欲悉得法界等·無量無邊三世諸佛、平等智慧故,發阿耨多羅三藐三菩提心。

《大方廣佛華嚴經·離世間品第三十三》,東晉·佛馱跋陀羅(Buddhabhadra) 譯,T. 278, vol. 9, pp. 648b-649a.

佛子!菩薩摩訶薩有十種通自在。何等為十?所謂:一切世界示現身、一身境界 通自在;於一如來大眾中坐·聽受正法,悉能聞持一切諸佛大眾會法·通自在; 於一眾生一念境界,成不可說無上菩提,一切眾生無不知者·通自在;出一妙音, 皆能充遍一切世界,出生一切音聲各各別異,一切眾生無不開解·通自在;於一 念中,示現<u>盡過去際劫</u>,一切眾生諸業果報·無不知者·通自在;令一切世界, 皆悉莊嚴·通自在;觀察<u>三世平等</u>·通自在;出生一切諸佛菩提及眾生願,放大 法光明·通自在;一切天、龍、夜叉、乾闥婆、阿脩羅、迦樓羅、緊那羅、摩睺 羅伽、帝釋、梵王,及一切聲聞、緣覺、諸菩薩等,悉恭敬尊重,善能護持諸如 來力,一切善根·通自在。佛子!略說菩薩平等觀察一切諸法·通自在。佛子! 是為菩薩摩訶薩十種通自在。

佛子!菩薩摩訶薩有十種神力自在。何等為十?所謂:以<u>不可說世界,入一微塵</u>,神力自在;於<u>一微塵中,顯現一切法界等,一切佛刹</u>,神力自在;於<u>一毛孔,皆悉容受一切大海</u>,能持遊行一切世界,不令眾生有恐怖心,神力自在;以<u>一切世界</u>,內己身中,悉能顯現一切眾事,神力自在;以一毛,繫不可思議金剛圍山,悉持遊行一切世界,不令眾生有恐怖心,神力自在;不可說劫,示現一劫,一劫,

<u>示現不可說·諸成、敗劫</u>,不令眾生有恐怖心·神力自在;於一切世界,示現水、 火、風災成敗,不令眾生有恐怖心·神力自在;一切世界·水、火、風災壞時, 悉能住持一切眾生資生之具·神力自在;以不可思議世界,置於掌中,遠擲他方。 過不可說世界,不令眾生有恐怖心·神力自在;令一切眾生·解一切佛剎·猶如 虛空·神力自在。佛子!是為菩薩摩訶薩十種神力自在。

《大寶積經·菩薩藏會第十二·如來不思議性品第四》, 唐·玄奘譯, T. 310 (12), vol. 11, p. 226c.

復次,舍利子!言菩提者,<u>非去、來、今</u>,<u>三世平等</u>,三相輪斷。何等名為三相輪斷?舍利子!於<u>過去世</u>,心無顧轉;於<u>未來世</u>,識無趣向;於<u>現在世</u>,意無起作。是心意識,無有安住,<u>不分別過去</u>,<u>不執著未來</u>,<u>不戲論現在</u>。一切眾生不能覺悟<u>三世等性</u>、三輪清淨,如來於彼發起大悲:「我今定當開示,令其覺悟如是三世、三輪·平等、清淨故。」

《大寶積經·菩薩見實會第十六·遮羅迦波利婆羅闍迦外道品第二十四》,北齊·那連提耶舍(Narendrayaśas)譯, T. 310 (16), vol. 11, pp. 412b-413a.

外道!於人中終·生人間者,彼人·昔作人身之時,修行、積習十善業道,作彼 業已,數數修行,以彼業力,還生人中。昔作人時,與人久居,行人儀式,今歸 得人。由有習氣,是人得聞如是法已,應當自知:我本必從人中終已·還生人中。 是人·為超彼習氣故,應求知識。彼善知識,為其彼人,說無常想;以無常想, 令除習氣。彼善知識,或為是人,說·生死過、涅槃至樂。聞此法已,是人·能 得厭生死過,於涅槃樂。彼善知識,或為是人,說·六波羅蜜。既得聞已,能發 無上菩提之心。彼善知識,或為是人,說·善方便。是人·以此善方便故,即能 堅持六波羅蜜,速證一切智,終不退轉。

外道!從天中終·生人間者,天身已前·作人身時·所修梵行、布施、持戒,皆 希來報。是人·如是修行、積習作業久訖,以是業力,生於天上。得生天已,與 天久居,行天儀式。從天終已,由有習氣·諸天行法,是人得人身已,聞如是法, 見己身行,應當自知:我本必從天中終,來生人間。彼人·為<u>超天中習氣</u>,應求 知識。彼善知識,教其彼人·修持梵行·不期來報,說於·求報是其過惡,但為 顯說·修淨梵行·無所依著·得福無量。教·行布施·不期來報,說於·求報是 其過惡,但為顯說·行於布施·無所依著·得福無量。教·行持戒·不期來報, 說於·求報是其過惡,但為顯說·受持禁戒·無所依著·功德無量。彼善知識, 或為彼,說·善巧方便。是人·以此善方便故,能行六波羅蜜。行六波羅蜜已, 六波羅蜜漸得滿足,速證一切智,終不退轉。

外道!從地獄終:得人身者,彼應依善知識。依知識已,應聽:三世佛:平等法。

聞平等法已,應發勤精進,依城邑、聚落,與大眾共居,具四部處,更互相於: 論量佛法·學問難答,<u>三世法平等</u>·得現在前,解·<u>一切法無有自性</u>。修此解故, 煩惱漸除。

外道!從畜生中終·生人間者,彼應依善知識,親近、多聞;以近、多聞,斷除 愚癡。是人·雖復求多聞,人及諸經論,作非有想。是人·觀察非有想已,自然 解證·無自性法。是人·以此三世法平等·自然現前,速證一切智,終不退轉。 外道!從餓鬼終·生人間者,彼應依善知識,修行布施,除其慳貪,作諸功德; 以修捨故,心不積聚。是人·以此三世法平等·自然現前,作一相解;所言一相, 即是無相。是人·修此無相解故,速證一切智,終不退轉。

外道!從阿修羅終·生人間者,彼應依善知識,與煩惱魔戰。何者是煩惱魔?所謂憍慢。是時,彼人·應當觀察:何者是慢?是其誰慢?誰受是慢?誰以此慢,起煩惱使?誰捨此慢?是人·如是推求之時,無慢可得,亦不見有人攝受慢者。彼人·如是觀察義故,無慢可得,無起慢者,與慢相應境界·亦不可得,亦不見有人能捨慢者。如是觀已,無一法可得。復作是觀:以惡攝受·自誑己身,他亦如是。作是觀時,能見·諸法悉無自性。以見諸法無自性故,見法非有。以非有故,知不成就。不成就故,知即不生。若不生者,知彼不滅。若不生不滅者,彼非可說。若解·不可說者,則非過去、非現在、非未來,三世·不可得。若法·三世不可得者,當知·未曾有得、有失。

《勝思惟梵天所問經》,元魏·菩提流支(Bodhiruci)譯, T. 587, vol. 15, p. 91a. 梵天言:「世尊!云何三世平等精進?」

佛言:「梵天!<u>過去心</u>·已滅,<u>未來心</u>·未至,<u>現在心</u>·無住。若法已滅,不復 更起。若法未至,即無生相。若法無住,即住實相。若如是者,則<u>非過去、非是</u> <u>未來、非是現在</u>。若非過去、非是未來、非是現在,是名<u>自性</u>。如是自性,即是 不生。梵天!是名三世平等精進,能令菩薩疾得授記。

### 第9週2016/11/11 [單元主題]: [時空之真如・法界]

《大般若波羅蜜多經·第二會》, 唐·玄奘譯, T. 220 (2), vol. 7, pp. 253a-255a. 參閱:《大般若波羅蜜多經·第三會》, 唐·玄奘譯, T. 220 (3), vol. 7, pp. 619b-620a; 《大般若波羅蜜多經·第四會》, 唐·玄奘譯, T. 220 (4), vol. 7, p. 823a-c.

爾時,欲、色界天眾,復白佛言:「世尊!大德善現,佛·真弟子,隨如來生。 所以者何?大德善現,諸所說法,一切皆與空相應故。」

爾時,善現告欲、色界諸天眾言:「汝諸天眾說我『善現,佛·真弟子,隨如來生』。云何善現.隨如來生?謂:隨.如來真如.生故。所以者何?如來真如,無來、無去;善現真如,亦無來去;故,說.善現.隨如來生。

如來真如,即一切法真如;一切法真如,即如來真如;如是真如,無真如性,亦 無不真如性。善現真如,亦復如是;故,說,善現,隨如來生。

如來真如,常住為相;善現真如,亦復如是;故,說,善現,隨如來生。

如來真如,無變異、無分別,遍諸法轉;善現真如,亦復如是;故,說·善現· 隨如來生。

如來真如,無所罣礙;一切法真如,亦無所罣礙。若如來真如,若一切法真如, 同一真如,無二、無別、無造、無作;如是真如,<u>常真如相</u>,無時非真如相。以 常真如相、無時非真如相故,無二、無別;善現真如,亦復如是;故,說·善現· 隨如來生。

如來真如,於一切處,無憶念、無分別;善現真如,亦復如是;故,說.善現. 隨如來生。

如來真如,無別異,不可得;善現真如,亦復如是;故,說.善現.隨如來生。如來真如,不離一切法真如;一切法真如,不離如來真如;如是真如,<u>常真如相</u>,無時非真如相;善現真如,亦復如是;故,說.善現.隨如來生。

雖說隨生,而無所隨生,以善現真如不異佛故。如來真如,<u>非過去、非未來、非</u> <u>現在</u>;一切法真如,亦<u>非過去、非未來、非現在</u>;善現真如,亦復如是;故,說. 善現.隨如來生。

<u>過去真如</u>,即<u>如來真如</u>;如來真如,即過去真如;<u>未來真如</u>,即如來真如;如來 真如,即未來真如;<u>現在真如</u>,即如來真如;如來真如,即現在真如。若<u>過去真</u> 如,若未來真如,若現在真如,若如來真如,同一真如,無二、無別。

色真如,即如來真如;如來真如,即色真如。受、想、行、識真如,即如來真如; 如來真如,即受、想、行、識真如。若色真如,若受、想、行、識真如,若如來 真如,同一真如,無二、無別。.....

一切智真如,即如來真如;如來真如,即一切智真如。道相智、一切相智真如, 即如來真如;如來真如,即道相智、一切相智真如。若一切智真如,若道相智、 一切相智真如,若如來真如,同一真如,無二、無別。

天眾!當知·諸菩薩摩訶薩現證如是一切法真如,說名如來·應·正等覺。我於如是諸法真如,能深信解;故,說·善現·從如來生。」

《大般若波羅蜜多經·第六會》, 唐·玄奘譯, T. 220 (6), vol. 7, p. 937c.

法性<u>離相</u>、諸法<u>離相</u>,無二、無別。何以故?諸法離相,即法性離相。法性離相,即有情離相。有情離相,即法界離相。法界離相,即諸法離相。如是離相,求不可得。

法性<u>真如</u>、有情<u>真如</u>,無二、無別。有情真如、法性真如,無二、無別。法性真如、諸法真如,無二、無別。諸法真如、諸佛真如,無二、無別。法性真如、三

世真如,不相違逆。<u>過去真如、未來真如</u>,不相違逆。<u>未來真如、現在真如</u>,不相違逆。<u>現在真如、過去真如</u>,不相違逆。<u>三世真如</u>,即蘊、界、處真如。蘊、界、處真如,即染淨真如。染淨真如,即生死·涅槃真如。<u>生死·涅槃真如</u>,即一切法真如。

《大般若波羅蜜多經·第七會》,唐·玄奘譯,T. 220 (7), vol. 7, p. 964b. 參閱:Edward Conze (tr.), "The Perfection of Wisdom in 700 Lines," *Perfect Wisdom: The Short Prajñāpāramitā Texts*, Totnes: Buddhist Publishing Group, 1993, p. 80. 我觀<u>如來</u>·即<u>真如相</u>,無動、無作,無所分別、無異分別,<u>非即方處、非離方處</u>,非有、非無,非常、非斷,<u>非即三世、非離三世</u>,無生、無滅,無去、無來,無

染·不染,無二·不二,心言路絕。若以此等真如之相,觀於如來,名,真見佛,

亦名·禮敬親近如來,實於有情能為利樂。

《大寶積經·菩薩藏會第十二·毘利耶波羅蜜多品第九》, 唐·玄奘譯, T. 310 (12), vol. 11, p. 282c-283a.

爾時,長老舍利子白佛言:「世尊!云何菩薩摩訶薩行毘利耶波羅蜜多時,精勤修獲,法身之相?唯然,世尊!願為解說。」

佛告舍利子:「菩薩摩訶薩<u>法身之相</u>,無生無死,堅固難壞,猶如金剛,不可思議。而,諸法身菩薩摩訶薩,為欲化度·身壞眾生故,現壞身;又,欲化諸身不壞者,現不壞身。然,此法身,圓成具足,非火所燒、非刀能割,如彼金剛·堅固難壞。

舍利子!安住法身菩薩摩訶薩,行毘利耶波羅蜜多故,無倦精進,非有功用,但 以其身,則能成熟無量眾生,不假其心.思量分別。

即此菩薩身,自能知,了‧諸身相‧隨入自身真如法性。自身真如,隨入諸法真如;諸法真如,隨入自身真如。自身真如,隨入去、來、現在真如;去、來、現在真如,隨入自身真如。又,過去真如,而違未來真如;亦非未來真如違過去真如。又,過去真如,不違現在真如;亦非現在真如違過去真如。又,未來真如,不違過去真如;亦非過去真如達未來真如;亦非過去真如;亦非現在真如違未來真如。又,我不真如,不違是不真如;亦非過去真如;亦非過去真如;亦非過去真如;亦非過去真如;亦非過去真如;亦非過去真如。又,現在真如,不違未來真如;亦非未來真如;亦非過去真如違現在真如。又,現在真如,即蘊、界、處真如。又,蘊、界、處真如,即染污清淨真如。又,染污、清淨真如,即流轉、寂滅真如。又,流轉、寂滅真如,即加行真如。又,加行真如,即一切行真如。而,一切行,即是真如;而,此真如,即一切行。

《佛說如來不思議祕密大乘經·菩薩身密品第一》,宋·法護譯,T. 312, vol. 11, p. 708b.

復次,金剛手大祕密主菩薩摩訶薩,告寂慧菩薩摩訶薩言:「寂慧!當知‧菩薩身者,是不破壞、堅固、真實、不生滅身。若諸有情‧應以有壞之身‧可化度者,即現其身,而為化度;若諸有情‧應以無壞之身‧可化度者,即現其身,而為化度。於一切種類,悉不破壞,火不能燒,刀不能斷,是身堅固、真實、不壞,金剛所成。是故,寂慧!菩薩所現身相,但為成熟一切有情‧作利樂事。而是菩薩,無所思惟‧亦無分別‧是身‧是相,知‧身離相故,即得‧法離相,亦非‧身離相與一切法離相‧有二‧差別。若相,即身離相;彼相,即法離相;如是離相‧能隨入故。即自身離相,與一切有情身離相,二俱平等。何以故?由自身離相、一切有情身離相故,即入一切法界離相。以法界離相故,即入法離相。然,於是中,而實無有少法可得。謂‧以自身真如,即入一切有情身真如;一切有情身真如,即入自身真如。又復,自身真如,即入一切法真如;以入一切法真如故,即入一切佛真如。又,以自身真如故,即入過去、未來、現在真如,亦非‧過去真如與彼未來現在真如‧有所違背。所有過去、未來、現在真如,即是蘊、處、界真如;蘊、處、界真如,即是無造作真如;無造作真如,即是一切造作真如。」

《佛說大乘菩薩藏正法經·如來不思議品第四》,宋·法護等譯,T. 316, vol. 11, p. 813a.

又,舍利子!菩提者,<u>非過去、未來、現在</u>,<u>三世平等</u>,三輪清淨;由如是故, 我成正覺。何名三輪清淨?謂<u>過去</u>,心無轉;<u>未來</u>,識無覺了;<u>現在</u>,意無動。 而心意識,都無所住,<u>過去</u>·無分別,<u>未來</u>·無領納,<u>現在</u>·無戲論。此<u>三平</u> 等·三輪清淨之法,而諸眾生不能了知;如來為令一切眾生悉覺了故,乃於眾生 轉大悲心。

第 10 週 2016/11/18 [單元主題]:《中論·觀時品》

- \* 龍樹(Nāgārjuna),《中論·觀時品第十九》,青目釋,姚秦·鳩摩羅什(Kumārajīva) 譯,T. 1564, vol. 30, pp. 25c-26a.
- \* 叶少勇,《中论颂:梵藏汉合校·导读·译注》(上海:中西書局,2011年), 頁 309-317.
- \* David Kalupahana, "Chapter 19: Examination of Time," *Mūlamadhyamakakārikā of Nāgārjuna: The Philosophy of the Middle Way*, Delhi: Motilal Banarsidass, 1991, pp. 275-279.
- \* Mark Siderits, Shōryū Katsura, "Chapter 19: An Analysis of Time," Nāgārjuna's

Middle Way: The Mūlamadhyamakakārikā, Boston: Wisdom, 2013, pp. 207-211. 〔延伸的參考材料〕

- \* 陈超,〈《中论·观时品》时间观念研究〉,《佛学研究》第 23 期(2014 年 3 月),頁 201-209.
- \* 嚴瑋泓,〈「迦羅」( $k\bar{a}la$ )或「三摩耶」(samaya)? —以「時間」議題論《大智度論》批判實在論的哲學問題〉,《臺大佛學研究》第 20 期(2010 年 12 月),頁 1-58.
- \* David Loy, "The Mahāyāna Deconstruction of Time," *Philosophy East and West* 36/1 (January 1986): 13-23.
- 第 11 週 2016/11/25 〔單元主題〕: What is Time?/ Could the Universe Have No Beginning or End in Time?
- \* Adrian Bardon, "Introduction: What does it mean to ask, 'What is time?'" "Chapter 8: Could the Universe Have No Beginning or End in Time?" "Epilogue: Is 'What Is Time?' the Wrong Question?" *A Brief History of the Philosophy of Time*, Oxford: Oxford University Press, 2013, pp. 1-7; 153-172, 173-178.

〔網絡可參考的入門介紹〕

"The Philosophy of Time" https://www.youtube.com/watch?v=5AVclZc9E\_Q

"The True Nature of Time - New Documentary" <a href="https://www.youtube.com/watch?v=2TiQidGPHA4">https://www.youtube.com/watch?v=2TiQidGPHA4</a>

"Is Time Real? - Philosophy Tube" <a href="https://www.youtube.com/watch?v=iB7xZR-1L5M">https://www.youtube.com/watch?v=iB7xZR-1L5M</a>

"The fundamentals of space-time" <a href="https://www.youtube.com/watch?v=ScdLqAA\_64E">https://www.youtube.com/watch?v=ScdLqAA\_64E</a>

"Michio Kaku 2016 - Physics of the Future" <a href="https://www.youtube.com/watch?v=\_1QlHP\_2UMw">https://www.youtube.com/watch?v=\_1QlHP\_2UMw</a>

〈我們渺小到連宇宙一料塵埃都不算!〉 <a href="https://www.youtube.com/watch?v=xUz38t3rCzQ">https://www.youtube.com/watch?v=xUz38t3rCzQ</a>

〈時間扭曲〉 <a href="https://www.youtube.com/watch?v=C5i2znIbkyM">https://www.youtube.com/watch?v=C5i2znIbkyM</a>

〈時間只是「幻象」,過去、現在與未來均同時發生(Spacious Present)!〉

### https://www.youtube.com/watch?v=ZUzgL1NZIJM

〈什麼是空間〉 <a href="https://www.youtube.com/watch?v=9PBPI5CaFWk">https://www.youtube.com/watch?v=9PBPI5CaFWk</a> 〔延伸的參考材料〕

- \* H. James Birx (ed.), Encyclopedia of Time: Science, Philosophy, Theology and Culture, Thousand Oaks: Sage, 2009.
- \* Craig Callender (ed.), *The Oxford Handbook of Philosophy of Time*, Oxford: Oxford University Press, 2011.
- \* Mark Currie, *About Time: Narrative, Fiction and the Philosophy of Time*, Edinburgh: Edinburgh University Press, 2007.
- \* Yuval Dolev, Michael Roubach (eds.), *Cosmological and Psychological Time*, Dordrecht: Springer, 2016.
- \* Heather Dyke, Adrian Bardon (eds.), A Companion to the Philosophy of Time, Oxford:

Wiley-Blackwell, 2013.

- \* Michael Futch, Leibniz's Metaphysics of Time and Space, Springer, 2008.
- \* Bernard Korzeniewski, "Freezing of Reality: Is Flow of Time Real?" *Open Journal of Philosophy* 6 (August 2016): 256-264. http://dx.doi.org/10.4236/ojpp.2016.63025
- \* Tim Maudlin, "Chapter 1: Classical Accounts of Space and Time," *Philosophy of Physics: Space and Time*, Princeton: Princeton University Press, 2012, pp. 1-16.
- \* Bruno Mölder, Valtteri Arstila, Peter Øhrstrøm (eds.), *Philosophy and Psychology of Time*, Dordrecht: Springer, 2016.
- \* L. Nathan Oaklander, The Ontology of Time, Amherst: Prometheus, 2004.
- \* Christopher Ray, Time, Space and Philosophy, Routledge, 1991.
- \* Flavia Santoianni (ed.), *The Concept of Time in Early Twentieth-Century Philosophy: A Philosophical Thematic Atlas*, Dordrecht: Springer, 2016.
- \* Nico Strobach, The Moment of Change: A Systematic History in the Philosophy of Space and Time, Springer, 1998.
- \* Bas Van Fraassen, *An Introduction to the Philosophy of Time and Space*, Columbia University Press, 1985. <a href="https://www.princeton.edu/~fraassen/BvF%20-%20IPTS.pdf">https://www.princeton.edu/~fraassen/BvF%20-%20IPTS.pdf</a>
- \* Albrecht von Müller, Thomas Filk (eds.), *Re-Thinking Time at the Interface of Physics and Philosophy: The Forgotten Present*, Dordrecht: Springer, 2015.

# 第 12 週 2016/12/02 [ 單元主題 ] : A-, B-, and R-Theories of Time

\* L. Nathan Oaklander, "A-, B-, and R-Theories of Time: A Debate," in *The Future of the Philosophy of Time*, edited by Adrian Bardon, New York: Routledge, 2011, pp. 1-24.

### [延伸的參考材料]

- \* Valtteri Arstila, Dan Lloyd (eds.), Subjective Time: The Philosophy, Psychology, and Neuroscience of Temporality, Cambridge: The MIT Press, 2014.
- \* Joseph Campbell, Michael O'Rourke, Harry Silverstein (eds.), *Time and Identity*, Cambridge: The MIT Press, 2010.
- \* Dennis Dieks (ed.), The Ontology of Spacetime, Amsterdam: Elsevier, 2006.
- \* Bradley Dowden, The Metaphysics of Time: A Dialogue, Lanham: Rowman & Littlefield, 2009.
- \* Vwadek Marciniak, Towards a History of Consciousness: Space, Time, and Death, Peter Lang, 2006.
- \* Roger McLure, The Philosophy of Time: Time before Times, New York: Routledge, 2005.
- \* Bede Rundle, Time, Space, and Metaphysics, Oxford: Oxford University Press, 2009.
- \* Michael Tooley, Time, Tense, and Causation, Oxford: Oxford University Press, 1997.
- \* James Williams, Gilles Deleuze's Philosophy of Time: A Critical Introduction and Guide, Edinburgh:

Edinburgh University Press, 2011.

- 第 13 週 2016/12/09 (單元主題): The Buddhist Conception of Time and Temporality/ Modern Cosmology and Buddhism
- \* David J. Kalupahana, "The Buddhist Conception of Time and Temporality," *Philosophy East and West* 24/2 (April 1974): 181-191.
- \* Shuichi Yamamoto, Victor Kuwahara, "Modern Cosmology and Buddhism," *Journal of Oriental Studies* 18 (January 2008): 124-131.

[延伸的參考材料]

- \* Bart Dessein, "Time, Temporality, and the Characteristic Marks of the Conditioned: Sarvāstivāda and Madhyamaka Buddhist Interpretations," *Asian Philosophy* 21/4 (December 2011): 341-360.
- \* Bart Dessein, "Progress and Free Will: On the Buddhist Concept of 'Time' and Its Possibilities for Modernity," *Asian Studies* 4/1 (2016): 11-33.
- \* Nyanaponika Thera, "Chapter 5: The Problem of Time," *Abhidhamma Studies: Buddhist Explorations of Consciousness and Time*, Somerville: Wisdom, 2010, pp. 93-114.
- \* Akira Sadakata, "Chapter 4: The Cosmos and Time," *Buddhist Cosmology: Philosophy and Origins*, Tokyo: Kosei, 1997, pp. 93-110, 199-204.

### 第 14 週 2016/12/16 〔單元主題 〕:Emptiness and Quantum Theory

\* William Ames, "Emptiness and Quantum Theory," *Buddhism and Science: Breaking New Ground*, edited by B. Alan Wallace, New York: Columbia University Press, 2003, pp. 285-304.

〔延伸的參考材料〕

- \* Donald Lopez Jr., *Buddhism and Science: A Guide for the Perplexed*, Chicago: University of Chicago Press, 2008.
- \* Victor Mansfield, "Relativity in Madhyamika Buddhism and Modern Physics," *Philosophy East and West* 40/1 (January 1990): 59-72.
- 第 15 週 2016/12/23[ 單元主題 ]: Time and Impermanence in Middle Way Buddhism and Modern Physics
- \* Victor Mansfield, "Time and Impermanence in Middle Way Buddhism and Modern Physics," *Buddhism and Science: Breaking New Ground*, edited by B. Alan Wallace, New York: Columbia University Press, 2003, pp. 305-324.

[延伸的參考材料]

\* Michel Bitbol, "A Cure for Metaphysical Illusions: Kant, Quantum Mechanics, and the

Madhyamaka," *Buddhism and Science: Breaking New Ground*, edited by B. Alan Wallace, New York: Columbia University Press, 2003, pp. 325-364.

- \* David Finkelstein, "Emptiness and Relativity," *Buddhism and Science: Breaking New Ground*, edited by B. Alan Wallace, New York: Columbia University Press, 2003, pp. 365-386.
- \* Anton Zeilinger, "Encounters Between Buddhist and Quantum Epistemologies," *Buddhism and Science: Breaking New Ground*, edited by B. Alan Wallace, New York: Columbia University Press, 2003, pp. 387-397.

### 第 16 週 2016/12/30 [ 單元主題 ] : Beginnings and Endings

\* Chris Impey, "Chapter 3: Beginnings and Endings," *Humble before the Void: A Western Astronomer, his Journey East, and a Remarkable Encounter Between Western Science and Tibetan Buddhism*, Templeton Press, 2014, pp. 79-113.

[延伸的參考材料]

\* Chris Impey, "Chapter 2: Scales of Space," *Humble before the Void: A Western Astronomer, his Journey East, and a Remarkable Encounter Between Western Science and Tibetan Buddhism*, Templeton Press, 2014, pp. 43-78.

### 第 17 週 2017/01/06 [ 單元主題 ] : Questions of Time

\* Matthieu Ricard, Trinh Xuan Thuan, "Chapter 8: Questions of Time," *The Quantum and the Lotus: A Journey to the Frontiers Where Science and Buddhism Meet*, New York: Crown, 2001, pp. 127-139, 289-290.

[延伸的參考材料]

- \* Christopher Hatchell, Naked Seeing: The Great Perfection, the Wheel of Time, and Visionary Buddhism in Renaissance Tibet, Oxford University Press, 2014.
- \* Steven Heine, Existential and Ontological Dimensions of Time in Heidegger and Dogen, State University of New York Press, 1985.
- \* Taigen Leighton, *Visions of Awakening Space and Time: Dōgen and the Lotus Sutra*, Oxford: Oxford University Press, 2007.
- \* Matthieu Ricard, Trinh Xuan Thuan, "Chapter 12: The Grammar of the Universe," *The Quantum and the Lotus: A Journey to the Frontiers Where Science and Buddhism Meet*, New York: Crown, 2001, pp. 205-227, 294-295.

## 第 18 週 2017/01/13 [ 單元主題 ] : 期末報告